

**MESYUARAT KEDUA, PENGGAL PERTAMA  
PARLIMEN KEEMPAT BELAS**

**2018**

**HARI ISNIN : 12 NOVEMBER 2018**

**Semak Semasa Penyampaian  
NO SOALAN : 1**

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL PERTAMA,  
PARLIMEN KEEMPAT BELAS**

---

**PERTANYAAN : LISAN**

**DARIPADA : YB DATO' MANSOR OTHMAN  
[ NIBONG TEBAL ]**

**TARIKH : 12 NOVEMBER 2018 (ISNIN)**

**SOALAN NO. 1**

Minta **MENTERI HAL EHWAL EKONOMI** menyatakan perancangan strategik dan program-program utama bagi meningkatkan pendapatan dan taraf sosio ekonomi warganegara golongan B40 di seluruh negara, terutama sekali di kawasan luar bandar. Apakah halangan-halangan utama yang membantut usaha Kerajaan bagi merealisasikan objektif murni ini.

**JAWAPAN**

Tuan Yang di-Pertua,

Untuk makluman Ahli Yang Berhormat, Kerajaan sentiasa memberikan perhatian kepada kemakmuran seluruh rakyat termasuk golongan minoriti iaitu Orang Asli di Semenanjung Malaysia, Anak Negeri Sabah dan Bumputera Sarawak. Kerajaan akan memastikan kesejahteraan rakyat terus menjadi keutamaan melalui amalan prinsip berasaskan keperluan, ketelusan, menyokong pertumbuhan dan kemampanan bagi mendukung dasar pembangunan inklusif.

Inisiatif program RMKe-11 adalah berdasarkan keperluan (*needs-based*) yang mencakupi pelbagai dimensi. Pendekatan ini memastikan tiada kumpulan masyarakat yang akan tercicir daripada mendapat peluang dan manfaat pertumbuhan ekonomi selaras dengan prinsip "*no one left behind*". Kerajaan komited dalam usaha untuk meningkatkan pendapatan kumpulan isi rumah berpendapatan 40 peratus terendah (B40), terutama di luar bandar, melalui langkah-langkah yang lebih berkesan dan menyeluruh. Secara asasnya, strategi utama yang akan dilaksanakan adalah seperti berikut:

Pertama: **Pembangunan Modal Insan dan Gunatenaga** dengan mengurangkan kadar keciciran pelajar dalam kalangan isi rumah B40; meningkatkan akses kepada pendidikan dan latihan kemahiran tinggi; meningkatkan penggunaan teknologi maklumat dan komunikasi; menarik pelaburan ke kawasan majoriti B40 untuk mencipta peluang pekerjaan dengan pendapatan yang lebih baik, meningkatkan kebolehpasaran dan *employability* graduan;

Kedua: **Pembangunan Keusahawanan** dengan meningkatkan sokongan keusahawanan secara bersepadu; pembangunan kapasiti dan kapabiliti, membangunkan perusahaan berasaskan komuniti dan sosial; meningkatkan produktiviti dengan menggalakkan penggunaan teknologi moden; menarik pelaburan ke kawasan majoriti B40 untuk mencipta

**Semak Semasa Penyampaian  
NO SOALAN : 1**

peluang perniagaan yang lebih luas, menggalakkan keusahawanan secara atas talian (*online*) dan keusahawanan sosial; dan

Ketiga: **Meningkatkan Pemilikan Kekayaan** dengan mengalakkan golongan B40 untuk turut serta dalam pelaburan seperti Amanah Saham Wawasan (ASW), Amanah Saham Gemilang (ASG) dan Amanah Hartanah Bumiputera (AHB).

Keempat: **Merapatkan jurang pembangunan antara wilayah.** Usaha akan dipergiat untuk menangani ketidakseimbangan pembangunan wilayah khususnya di luar bandar bagi menggalakkan pertumbuhan yang saksama dan meningkatkan kesejahteraan rakyat terutamanya golongan B40.

Dalam pada itu, penekanan akan turut diberikan dalam aspek perubahan minda dan pembentukan sifat peribadi unggul supaya B40 mempunyai sikap berdikari, percaya kepada kebolehan sendiri dan cekal berusaha seperti rakyat di negara maju.

Dalam usaha untuk meningkatkan pendapatan dan taraf sosio ekonomi golongan B40 terutama sekali di kawasan luar bandar, terdapat pelbagai isu dan cabaran yang dihadapi iaitu:

- (i) Kebanyakan isi rumah B40 adalah bekerja sendiri, pekerja berpendapatan rendah dan terlibat dalam perniagaan berskala kecil. Antara faktor penyumbang adalah kekurangan akses kepada pendidikan dan latihan kemahiran secara formal.
- (ii) Usahawan B40 menghadapi akses yang terhad kepada teknologi dan sumber kewangan yang mengakibatkan peluang mereka untuk bersaing dalam pasaran terjejas.
- (iii) Perancangan yang tidak komprehensif dan pelaksanaan program Jaringan Keselamatan Sosial (SSN) secara *silo* serta pemilihan kumpulan sasar yang longgar selama ini oleh pelbagai agensi menyebabkan penyaluran bantuan kepada isi rumah B40 kurang berkesan. Usaha untuk mengatasi isu ini akan menjadi fokus Kerajaan pada masa ini.

**Semak Semasa Penyampaian  
NO SOALAN : 1**

- (iv) Peningkatan pendapatan yang lebih perlahan berbanding peningkatan kos sara hidup telah menjaskan kesejahteraan hidup golongan B40.

Dengan perancangan dan langkah strategik secara menyeluruh, Kerajaan yakin dapat melaksanakan langkah-langkah yang bersesuaian dan pragmatik untuk mengatasi halangan-halangan dalam meningkatkan pendapatan dan taraf sosioekonomi golongan B40 khususnya di luar bandar.

Sekian, terima kasih.

12 November 2018

Kementerian Hal Ehwal Ekonomi

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL PERTAMA  
PARLIMEN KEEMPAT BELAS**

---

**PERTANYAAN : LISAN**  
**DARIPADA : DATO' HASBULLAH BIN OSMAN**  
**[GERIK]**  
**TARIKH : 12 NOVEMBER 2018 (ISNIN)**

**SOALAN NO. 2**

Minta **MENTERI TENAGA, SAINS, TEKNOLOGI, ALAM SEKITAR DAN PERUBAHAN IKLIM** menyatakan bagaimana Kementerian dapat membantu usahawan-usahawan dalam mengeluarkan produk-produk baru yang berasaskan teknologi nano dan lain-lain yang membolehkan usahawan tersebut berjaya dalam negara dan di peringkat antarabangsa.

**JAWAPAN**

Tuan Yang di-Pertua,

Kementerian Tenaga, Sains, Teknologi, Alam Sekitar dan Perubahan Iklim (MESTECC) dan agensi-agensi di bawahnya seperti Pusat Nanoteknologi Kebangsaan (NNC) dan NanoMalaysia Berhad menerajui pembangunan dan membantu usahawan-usahawan dalam mengkomersialkan produk teknologi nano.

Pusat Nanoteknologi Kebangsaan atau *National Nanotechnology Centre* (NNC) berperanan sebagai pusat rujukan nasional bagi penyelarasan aktiviti penyelidikan dan pembangunan (R&D) teknologi serta semua aktiviti berkaitan nanoteknologi di Malaysia.

NNC pada masa ini sedang melaksanakan **Program Nanokeselamatan (Nanosafety)**. Program ini bertujuan untuk membantu para usahawan mengeluarkan produk yang selamat, tidak berisiko, yakin digunakan oleh para pengguna; untuk pasaran tempatan dan eksport. Para usahawan yang berminat untuk mengkomersialkan hasil R&D teknologi nano tempatan akan dibantu dalam permohonan Dana-dana MESTECC. NNC juga bertindak sebagai panel penilai permohonan Dana, jika berkaitan.

NanoMalaysia Berhad, yang merupakan agensi pengkomersialan teknologi nano di bawah MESTECC sedang melaksanakan dua program untuk menghasilkan produk-produk berteknologi nano iaitu program **iNanovation** dan **Pelan Tindakan Graphene Kebangsaan 2020**.

Program **iNanovation**, merupakan satu platform **awam-swasta** yang diwujudkan oleh NanoMalaysia Berhad untuk **pembangunan, pra-pengkomersialan** dan **pengkomersialan aplikasi nanoteknologi** yang unik dan inklusif berdasarkan **pasaran (market-driven)**. Program **iNanovation** memberi fokus kepada **empat (4) sektor strategik utama** iaitu **Tenaga dan Alam Sekitar, Elektrik dan Elektronik, Makanan dan Pertanian, dan Penjagaan Kesihatan dan Perubatan**.

**Pelan Tindakan Graphene Kebangsaan 2020** pula merupakan satu program **pendedahan dan pembangunan industri** berasaskan *graphene*, iaitu sejenis bahan termaju nano. Ia memberi fokus kepada lima (5) aplikasi utama iaitu **Getah, Plastik, Dakwat Konduktif, Lithium Battery/ Ultracapacitors dan Nano-Fluids**.

**Lebih 50 projek** berdasarkan teknologi nano telah diusahakan bersama-sama **usahaawan daripada industri tempatan** semenjak **2016** di bawah **program-program ini**. Projek-projek ini telah menghasilkan produk dengan **nilai komersial yang tinggi** serta menjana harta intelek di atas keunikan dari segi formulasi serta proses penghasilan.

Tuan Yang di-Pertua,

MESTECC juga menyediakan **peruntukan geran R&D pra-pengkomersian dalam usaha membantu usahawan tempatan**. Ianya meliputi Dana SMART dengan jumlah sebanyak RM3 juta bagi tempoh 24 bulan, Dana Inovasi dan Dana Fasilitasi masing-masing dengan jumlah RM500,000 bagi tempoh 18 bulan. Di bawah **Rancangan Malaysia Kesepuluh, tiga (3) projek** berdasarkan teknologi nano telah diluluskan dengan jumlah peruntukan sebanyak RM4.3 juta. Di bawah **Rancangan Malaysia Kesebelas** pula, sehingga kini, hanya **satu (1) projek berdasarkan teknologi nano** telah diluluskan dengan jumlah peruntukan sebanyak RM3.1 juta.

Sekian, terima kasih.

**SOALAN NO. 3**

**PEMBERITAHU PERTANYAAN LISAN DEWAN RAKYAT  
MESYUARAT KEDUA, PENGGAL PERTAMA  
PARLIMEN KEEMPAT BELAS**

---

**PERTANYAAN : LISAN**

**DARIPADA : PUAN HAJAH NATRAH BINTI ISMAIL  
[ SEKIJANG ]**

**TARIKH : 12 NOVEMBER 2018 (ISNIN)**

**SOALAN NO. 3**

Minta **MENTERI PENDIDIKAN** menyatakan bagaimana sekolah yang berstatus bantuan modal boleh menerima peruntukan dan bantuan yang sama seperti sekolah lain terutamanya dalam pembangunan infrastruktur sekolah.

**JAWAPAN**

Yang di-Pertua,

Kementerian Pendidikan Malaysia (KPM) sentiasa memberi perhatian dan peruntukan yang sewajarnya kepada semua jenis sekolah termasuk sekolah bantuan kerajaan. Untuk rekod, sekolah bantuan modal juga adalah termasuk dalam sekolah bantuan kerajaan (SBK). Berdasarkan Akta Pendidikan 1996 [Akta 550], sekolah bantuan kerajaan atau institusi pendidikan bantuan ertiinya sekolah atau institusi pendidikan yang menerima sumbangan bantuan modal dan sumbangan bantuan penuh daripada kerajaan.

Peruntukan kepada SBK meliputi peruntukan mengurus yang merangkumi emolumen dan elaun guru, bayaran utiliti, kawalan keselamatan dan pembersihan kawasan, pemberian bantuan geran perkapita (PCG), dan peralatan pengajaran dan pembelajaran. Hal ini bermakna SBK juga menerima bantuan kewangan yang komprehensif daripada kerajaan.

Pada dasarnya, aspek infrastruktur SBK adalah di bawah tanggungjawab Lembaga Pengelola Sekolah (LPS). Walau bagaimanapun, KPM ada menyediakan peruntukan bantuan modal dan Pakej Ransangan Khas melalui belanjawan tahunan kerajaan untuk SBK bagi membaik pulih bangunan sekolah yang uzur dan tidak selamat digunakan. Ini kerana kita ingin memastikan bahawa semua murid dan guru yang berada di sekolah dalam keadaan selamat, ceria dan gembira. Peruntukan diberikan berdasarkan keperluan dan keutamaan serta tertakluk kepada peruntukan sedia ada. Manakala pengagihan peruntukan ini adalah melalui permohonan sekolah kepada Jabatan Pendidikan Negeri (JPN) mengikut garis panduan dan prosedur yang ditetapkan.

Perkara yang penting dan perlu diberikan perhatian bukan sahaja bantuan yang diberikan tetapi juga kepada pemantauan ke atas bantuan

### **SOALAN NO. 3**

yang telah disalurkan, sama ada bantuan tersebut benar-benar digunakan dengan penuh amanah, efisyen dan berhemah serta menepati perancangan yang telah dikemukakan. Hal ini memerlukan proses governan yang lebih berkesan. Bertitik tolak daripada kesedaran ini, KPM di era baharu melihat kepada keperluan untuk mewujudkan mekanisme pemantauan yang lebih berkesan, telus dan juga berakauntabiliti. Setiap peruntukan yang disalurkan akan disertakan dengan jangka waktu (*time frame*) dan akan diberikan notis peringatan dari semasa ke semasa, diikuti dengan dashboard yang dilengkapi dengan *early warning system* yang dipantau oleh Jawatankuasa Khas di peringkat JPN. Sekolah-sekolah penerima juga akan diberikan peringatan dari semasa ke semasa untuk menyediakan laporan suku tahunan berdasarkan *time frame* yang telah diberikan.

Kementerian berpandangan dan mencadangkan sekolah-sekolah bantuan kerajaan yang tidak dapat menampung kos operasi penyelenggaraan dan pembangunan infrastruktur sekolah masing-masing agar menukar status SBK kepada sekolah kerajaan agar segala perbelanjaan mengurus dan pembangunan ditanggung sepenuhnya oleh kerajaan.

Sekian, terima kasih.

RJM83

**NO. SOALAN: 4**

**PEMBERITAHUAN PERTANYAAN DEWAN RAKYAT**

**PERTANYAAN : LISAN**

**DARIPADA : DATO' HAJI SALIM SHARIF [JEMPOL]**

**TARIKH : 12 NOVEMBER 2018 (ISNIN)**

**SOALAN :**

**YB DATO' HAJI SALIM SHARIF [JEMPOL]** minta **MENTERI DI JABATAN PERDANA MENTERI** menyatakan perancangan Kementerian untuk membangunkan kawasan-kawasan di luar bandar, khususnya di sesetengah kawasan perkampungan orang asli yang dilihat masih terkebelakang dari sudut infrastruktur dan prasarana.

**JAWAPAN: YB SENATOR P. WAYTHA MOORTHY,**  
**MENTERI DI JABATAN PERDANA MENTERI**

Tuan Yang di-Pertua,

Untuk makluman Yang Berhormat, Jabatan Perdana Menteri (JPM) menerusi Jabatan Kemajuan Orang Asli (JAKOA) sentiasa komited dalam memajukan dan mensejahterakan kehidupan masyarakat Orang Asli di negara ini.

Di Malaysia terdapat sebanyak 853 buah kampung Orang Asli yang diiktiraf oleh Jabatan Kemajuan Orang Asli (JAKOA). Daripada jumlah tersebut, sebanyak 701 buah kampung telah menerima bekalan air terawat, 684 buah kampung telah menerima bekalan elektrik dan 719 kampung telah mempunyai jalan perhubungan. JAKOA mensasarkan perkampungan Orang Asli akan mempunyai kemudahan asas yang lengkap pada tahun 2023.

Kerajaan komited untuk memperbaiki dan menaiktaraf infrastruktur perkampungan Orang Asli termasuk jalan berturap, grid elektirk 24 jam, bekalan air yang dirawat dan rangkaian komunikasi yang stabil.

Sekian. Terima kasih.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT KEDUA, PENGGAL PERTAMA,  
PARLIMEN KEEMPATBELAS**

---

**PERTANYAAN : JAWAB LISAN**

**DARIPADA : TUAN KHOO POAY TIONG [ KOTA MELAKA ]**

**TARIKH : 12 NOVEMBER 2018**

**RUJUKAN : 11093**

**SOALAN :**

**Tuan Khoo Poay Tiong [ Kota Melaka ]** minta **MENTERI DALAM NEGERI** menyatakan jumlah laporan yang diterima oleh PDRM mengenai judi haram melalui bilik gerakan khas yang ditubuhkan pada Julai 2018, mengikut pecahan negeri, dan apakah tindakan-tindakan yang telah diambil oleh PDRM.

**JAWAPAN**

Tuan Yang Di-pertua,

Polis Diraja Malaysia (PDRM) sentiasa mengambil pendekatan baru untuk mengekang kegiatan perjudian haram dalam negara, antara inisiatif baru yang di ambil adalah dengan membuka bilik gerakan serta talian khas yang beroperasi 24 jam sehari di seluruh negara bermula 20 Julai 2018 bagi memudahkan orang awam menyalurkan maklumat kepada pihak PDRM. Semua Ketua Polis Negeri dan Ketua Polis Daerah telah diarahkan untuk membuat penilaian dan mengambil tindakan setiap aduan awam yang diterima dalam usaha memerangi aktiviti perjudian ini.

## **SOALAN : 5**

Sejak dilancarkan, sehingga 31 Oktober 2018, pihak PDRM telah menerima sebanyak 973 aduan dan daripada jumlah tersebut, sebanyak 456 aduan adalah sahih yang menghasilkan kejayaan dalam serbuan yang di laksanakan, manakala 264 maklumat yang diterima tidak berasas atau palsu dan 253 maklumat lagi mempunyai merit dan memerlukan risikan lanjut sebelum tindakan dapat diambil.

Hasil inisiatif yang diambil ini, telah menunjukkan impak yang positif yang mana orang awam telah tampil memberikan kerjasama dalam menyalurkan maklumat yang positif walaupun terdapat juga maklumat yang tidak berasas turut disalurkan. Hasil daripada tindakan yang diambil juga menunjukkan trend penurunan dalam aktiviti perjudian haram ini yang mana sindiket tidak lagi berani untuk membuka semula premis setelah diserbu.

Pihak PDRM akan terus membuka bilik gerakan ini sehingga kegiatan perjudian haram dapat ditangani sepenuhnya. Di samping itu juga PDRM sentiasa membuat risikan untuk mengesan “modus operandi” baru yang mungkin akan digunakan oleh sindiket untuk menjalankan aktiviti perjudian haram ini.

Selain itu, bagi memastikan aktiviti perjudian ini tidak lagi beroperasi dalam daerah-daerah berkenaan, Ketua Polis Daerah, Ketua Polis Balai dan pegawai-pegawai dari Bahagian Jenayah Daerah akan dipertanggungjawab sepenuh dan tindakan yang tegas akan di ambil untuk di tukarkan daripada daerah berkenaan secara serta merta dan tindakan tatatertib juga akan diambil jika siasatan yang dibuat oleh Jabatan Integriti dan Pematuhan Standard (JIPS) mendapati pegawai polis terlibat atau melindungi sindiket perjudian.

**PEMBERITAHUAN PERTANYAAN MESYUARAT KEDUA,  
PENGGAL PERTAMA, PARLIMEN KEEMPAT BELAS,  
MAJLIS MESYUARAT DEWAN RAKYAT**

**PERTANYAAN : LISAN**

**DARIPADA : TUAN LUKANISMAN BIN AWANG SAUNI  
(SIBUTI)**

**TARIKH : 12 NOV 2018 (ISNIN)**

**SOALAN**

Minta **MENTERI PERTAHANAN** menyatakan adakah pihak Kementerian menyedari bahawa Kem PLKN Sungai Rait yang menempatkan Batalion Ke-8 Rejimen Sempadan tidak sesuai diduduki kerana sering dilanda banjir dan apakah perancangan pihak Kementerian memindahkan anggota Batalion Ke-8 ke kem yang lebih selamat bagi mengelak kerugian dalam aset tentera dan keselamatan anggota.

**JAWAPAN**

Tuan Yang di-Pertua,

Kementerian Pertahanan menyedari tentang ketidaksesuaian Kem Sungai Rait untuk dijadikan penempatan Batalion Ke-8 Rejimen Sempadan kerana sering dilanda banjir. Untuk memastikan keselamatan anggota dan aset terpelihara, Tentera Darat sedang merancang perpindahan pasukan ini ke Kem San Shui, Tawau, Sabah. Perpindahan ini dirancang bermula pada bulan Jan 2019 dan akan dilaksanakan secara berfasa.

**Semak Semasa Penyampaian  
NO SOALAN : 7**

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL PERTAMA,  
PARLIMEN KEEMPAT BELAS**

---

**PERTANYAAN : LISAN**

**DARIPADA : DATO' SERI DR. SANTHARA [ SEGAMAT ]**

**TARIKH : 12 NOVEMBER 2018 (SEGAMAT)**

**SOALAN NO. 7**

Minta **MENTERI HAL EHWAL EKONOMI** menyatakan apakah strategi serta mekanisme yang akan dilaksanakan oleh Kerajaan dalam tempoh jangka masa Parlimen ke 14 bagi mengatasi masalah sosio ekonomi, mengupayakan usahawan serta perkongsian kekayaan khasnya kepada golongan masyarakat minoriti termasuk orang asal.

**Semak Semasa Penyampaian  
NO SOALAN : 7**

**JAWAPAN**

Tuan Yang di-Pertua,

Untuk makluman Ahli Yang Berhormat, Kerajaan sentiasa memberikan perhatian kepada kemakmuran seluruh rakyat termasuk golongan minoriti.

Dalam hal ini, pelbagai strategi dirangka untuk meningkatkan pendapatan dan kualiti kehidupan mereka seterusnya mengatasi masalah sosioekonomi. Ini termasuklah program penyediaan peluang pekerjaan dan keusahawanan, pendidikan, latihan kemahiran, perumahan mampu milik, kemudahan kesihatan dan infrastruktur asas serta jaringan keselamatan sosial. Pembangunan sosioekonomi masyarakat akan dibuat berdasarkan prinsip keperluan, ketelusan, merit, mesra pasaran, menyokong pertumbuhan dan kemampunan. Pendekatan ini memastikan tiada kumpulan masyarakat yang akan tercicir daripada mendapat peluang dan manfaat pertumbuhan ekonomi selaras dengan prinsip “*no one left behind*”.

Dalam Kajian Separuh Penggal RMKe-11, di bawah keutamaan baharu, Kerajaan akan memastikan kumpulan minoriti tidak ketinggalan dalam arus pembangunan negara. Strategi bagi Memperkasa Kumpulan Minoriti telah dibentuk bagi tujuan mengupayakan mereka melalui inisiatif berikut:

**Pertama: Membina Keupayaan dan Meningkatkan Potensi Menjana Pendapatan melalui Pendidikan dan Latihan Kemahiran dengan:**

- Mengurangkan kadar keciciran pelajar melalui penyediaan asrama, pengangkutan dan bantuan kewangan seperti Bantuan Persekolahan, Dana Kumpulan Wang Amanah Pelajar Miskin dan Rancangan Makanan Tambahan;

## **Semak Semasa Penyampaian NO SOALAN : 7**

- Menyediakan lebih banyak tempat kepada pelajar yang berpotensi tinggi di institusi pengajian tinggi dan institusi latihan kemahiran berdasarkan kepada kriteria kelayakan dan kuota kemasukan khas; dan
- Meningkatkan akses kepada pendidikan dan latihan kemahiran tinggi seperti Program Peningkatan Kapasiti dan Kapabiliti Kumpulan Khusus.

### **Kedua: Mempergiat Pembangunan Keusahawanan**

- Meningkatkan sokongan keusahawanan secara bersepadu melalui pembiayaan mikro, latihan keusahawanan dan pemasaran dengan kerjasama agensi seperti Majlis Amanah Rakyat (MARA), TEKUN Nasional dan Amanah Ikhtiar Malaysia (AIM) bagi membantu usahawan mikro di bandar dan luar bandar;
- Meningkatkan penggunaan teknologi maklumat dan komunikasi seperti Program eRezeki dan eUsahawan; dan
- Menggalakkan program keusahawanan yang berdasarkan kepada bakat *intrinsic* mereka.

**Ketiga: Proses pengukuran dan pemetaan bagi menentukan sempadan tanah hak adat akan dipercepat bagi memastikan pemilikan tanah kepada Orang Asli, Anak Negeri Sabah dan Bumiputera Sarawak** dibuat melalui proses yang adil dan telus. Langkah ini akan membolehkan tanah tersebut dibangunkan untuk aktiviti ekonomi dengan bantuan daripada agensi yang berkaitan.

**Keempat: Merapatkan jurang pembangunan antara wilayah.** Usaha akan dipergiat untuk menangani ketidakseimbangan pembangunan wilayah khususnya di luar bandar bagi menggalakkan pertumbuhan yang saksama dan meningkatkan kesejahteraan rakyat terutamanya golongan B40.

**Semak Semasa Penyampaian  
NO SOALAN : 7**

Sekian, terima kasih.

12 November 2018

Kementerian Hal Ehwal Ekonomi

**PEMBERITAHUAN PERTANYAAN  
DEWAN RAKYAT, MALAYSIA**

**PERTANYAAN : LISAN**

**DARIPADA : DATO' HAJI MOHD FASIAH BIN HAJI MOHD  
FAKEH [SABAK BERNAM]**

**TARIKH : 12 NOVEMBER 2018 (ISNIN)**

**Dato' Haji Mohd Fasiah Bin Haji Mohd Fakeh [Sabak Bernam]** minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan setakat manakah tindakan penguatkuasaan yang telah atau sedang diambil bagi penjualan telur dan beras palsu yang meluas seluruh negara termasuk di pasar raya terkenal dan label terkenal.

**JAWAPAN:**

**Tuan Yang di-Pertua,**

Tindakan yang telah diambil oleh Kementerian bagi mengesan kewujudan telur dan beras palsu di pasaran adalah seperti berikut:

- a. Menjalankan penyiasatan ke atas aduan-aduan yang diterima dan juga isu-isu yang tular dan viral di media massa;
- b. Menghantar sampel-sampel beras yang disyaki palsu ke Jabatan Kimia Malaysia bagi mendapatkan laporan pengesahan kimia;
- c. Menjalankan operasi pemeriksaan diseluruh negara bagi mengesan penjualan beberapa jenama beras yang didakwa dibuat daripada plastik; dan
- d. Mengadakan perbincangan dengan Padiberas Nasional Bhd. (BERNAS) antaranya bertujuan untuk mendapatkan maklumat berkaitan penjualan beras palsu di Malaysia.

Melalui pelbagai pendekatan penguatkuasaan dan tindakan-tindakan yang telah diambil setakat ini. Tiada bukti yang menunjukkan terdapat telur dan beras palsu yang dijual di negara ini.

**Tuan Yang di-Pertua,**

Untuk makluman ahli dewan yang mulia ini, tular dalam media massa di Sarawak mengenai beras yang didapati palsu di Sibu kebelakangan ini tapi tidak dinyatakan maklumat pengadu dan maklumat lain seperti jenama beras tersebut dan tempat beras itu dibeli. Oleh dengan itu pihak KPDNHEP dan juga Kementerian Kesihatan Malaysia telah mengambil langkah proaktif dengan mengalu-alukan mereka mempunyai bukti supaya tampil dan memberi maklumat bagi tujuan tindakan siasatan.

Namun begitu pejabat kesihatan Sibu juga telah mengumpul beberapa sampel beras yang sedia ada di pasaran bagi tujuan cerakinan atau pengesahan sampel tersebut yang akan dihantar pada hari ini ke makmal di Johor Baharu.

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL PERTAMA  
PARLIMEN KEEMPAT BELAS**

**PERTANYAAN : LISAN**

**DARIPADA : DATUK LIEW CHIN JIN @  
CHRISTINA LIEW  
[TAWAU]**

**TARIKH : 12 NOVEMBER 2018 (ISNIN)**

**SOALAN NO. 9**

**DATUK LIEW CHIN JIN @ CHRISTINA LIEW [TAWAU] minta MENTERI AIR, TANAH DAN SUMBER ASLI menyatakan:-**

- (a) adakah kajian terperinci terhadap keperluan untuk meningkatkan kapasiti bekalan air di daerah Tawau telah dilaksanakan serta langkah-langkah selanjutnya yang telah dan akan dilaksanakan oleh pihak Kementerian bagi mengatasi masalah kekurangan bekalan air tersebut; dan
  
- (b) apakah status pelaksanaan Projek Bekalan Air Luar bandar (BALB) Kg. Bukit Quoin dan Jalan Ranggu/Baradaya, Tawau.

## **SOALAN NO. 9**

### **JAWAPAN**

Tuan Yang di-Pertua,

1. Untuk makluman, kajian terperinci terhadap keperluan bekalan air di daerah Tawau telah dilaksanakan sejak Rancangan Malaysia Ke Sembilan (RMKe-9). Kajian tersebut mencadangkan pembinaan sebuah empangan bagi meningkatkan ‘yield’ Sungai Tawau sedia iaitu 13 JLH berbanding dengan kapasiti loji berjumlah 147 JLH. Di samping menghadapi masalah bekalan air terutamanya sewaktu musim kemarau, bandar Tawau juga sering dilanda banjir semasa musim hujan akibat dari limpahan air sungai Tawau.
2. Oleh itu, pembinaan Empangan Tawau yang merupakan komponen utama di bawah Skim Bekalan Air Tawau Fasa III telah dilaksanakan di dalam *Rolling Plan 1*, Rancangan Malaysia ke-11 (RP1 RMKe-11) dengan peruntukan berjumlah RM450.5 juta melalui pinjaman Kerajaan Persekutuan. Projek ini telah dimulakan pada 26 Disember 2017 dan dijangka mengambil masa selama 36 bulan untuk disiapkan iaitu pada 26 Disember 2020.
3. Dengan kapasiti sebanyak 30 juta meter padu (MCM), Empangan Tawau dapat menyediakan sumber bekalan air daerah Tawau

sehingga tahun 2050 dan sebanyak 4.6 MCM untuk takungan banjir dan kawal aliran sungai sehingga 200m<sup>3</sup>/s bagi tujuan kawalan banjir.

4. Walau bagaimanapun, projek ini telah diangkat ke *Contract Coordination Panel (CCP)* Kementerian Air, Tanah dan Sumber Asli (KATS) pada 27 Ogos 2018 kerana kemajuan projek kurang daripada 10 peratus. Pada masa yang sama, Jabatan Air Negeri Sabah telah membuat keputusan untuk menamatkan kontrak projek ini. Walau bagaimanapun, pihak Kementerian masih menunggu keputusan muktamad daripada Kementerian Kewangan untuk halatuju projek ini samada untuk meneruskan penamatan kontrak sedia ada dan melaksanakan proses tender baru ataupun meneruskan projek dengan kontrak yang sedang berjalan.

Tuan Yang di-Pertua,

5. Untuk makluman, Projek Bekalan Air Luar Bandar (BALB) Kg. Bukit Quoin dan Jalan Ranggu/Baradaya, Tawau merupakan projek bawah bidang kuasa Kementerian Pembangunan Luar Bandar (KPLB).

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL PERTAMA  
PARLIMEN KEEMPAT BELAS**

---

**PERTANYAAN : LISAN**

**DARIPADA : TUAN CHE ALIAS BIN HAMID  
[KEMAMAN]**

**TARIKH : 12 NOVEMBER 2018 [ISNIN]**

**SOALAN NO. 10**

Minta **MENTERI PERUMAHAN DAN KERAJAAN TEMPATAN** menyatakan kaedah yang sesuai untuk mengekang pembelian **hartanah oleh warganegara asing** selain daripada penetapan nilai ambang yang pernah dikuatkuasakan sejak tahun 2009.

**JAWAPAN**

Yang di-Pertua,

1. Untuk makluman Ahli Yang Berhormat, Unit Perancang Ekonomi, Jabatan Perdana Menteri telah mengeluarkan **Garis Panduan Perolehan Hartanah** yang berkuat kuasa bermula pada 1 Mac 2014 iaitu had nilai minimum RM1 juta bagi perolehan harta tanah oleh kepentingan asing. Walau bagaimanapun, pemakaian garis panduan ini tertakluk kepada bidang kuasa Pihak Berkuasa Negeri (PBN).
2. Dalam usaha untuk mengekang pemilikan rumah oleh warga asing, langkah tambahan yang diperkenalkan oleh Kerajaan melalui Belanjawan 2019 adalah seperti berikut :-
  - a) Memperkemaskan **Cukai Keuntungan Harta Tanah (CKHT)** ke atas keuntungan daripada pelupusan harta tanah dan saham dalam syarikat harta tanah dalam tahun ke-6 dan tahun seterusnya. Bagi syarikat, individu bukan warganegara dan bukan pemastautin tetap, kadar CKHT dinaikkan daripada **5% kepada 10%**; dan
  - b) **Kadar duti setem** bagi pemindahan harta tanah bernilai lebih RM1 juta **dinaikkan** sebanyak 1 mata peratusan daripada kadar cukai **3% kepada 4%**.
3. Manakala KPKT pula sedang mengambil inisiatif untuk **menyelaraskan perbezaan harga rumah dan jenis rumah yang boleh dimiliki oleh warga asing** untuk semua negeri sebagai langkah tambahan lanjutan daripada pengumuman Belanjawan 2019.

Sekian, terima kasih.

**SOALAN NO. 11**

**PEMBERITAHUAN PERTANYAAN BAGI JAWAPAN LISAN**

**MESYUARAT KEDUA, DEWAN RAKYAT**

**PENGGAL PERTAMA, PARLIMEN KEEMPAT BELAS**

**MAJLIS MESYUARAT DEWAN RAKYAT**

**PERTANYAAN : JAWAB LISAN**

**DARIPADA : PUAN ALICE LAU KIONG YIENG [ LANANG ]**

**TARIKH : 12 NOVEMBER 2018 (ISNIN)**

**SOALAN :**

**Puan Alice Lau Kiong Yieng [ Lanang ]** minta **MENTERI PEMBANGUNAN WANITA, KELUARGA DAN MASYARAKAT** menyatakan status terkini Daftar Kanak-kanak dan apakah cabaran dalam pelaksanaan.

**SOALAN NO. 20**

**PEMBERITAHUAN PERTANYAAN BAGI JAWAPAN LISAN**

**MESYUARAT KEDUA, DEWAN RAKYAT**

**PENGGAL PERTAMA, PARLIMEN KEEMPAT BELAS**

**MAJLIS MESYUARAT DEWAN RAKYAT**

**PERTANYAAN : JAWAB LISAN**

**DARIPADA : TUAN AHMAD FAHMI BIN MOHAMED FADZIL**

**[ LEMBAH PANTAI ]**

**TARIKH : 12 NOVEMBER 2018 (ISNIN)**

**SOALAN :**

Tuan Ahmad Fahmi bin Mohamed Fadzil [ Lembah Pantai ] minta

**MENTERI PEMBANGUNAN WANITA, KELUARGA DAN MASYARAKAT**

menyatakan adakah Kerajaan bersedia untuk mewujudkan satu daftar pesalah seks (*sex offenders registry*) bagi kegunaan agensi-agensi penguatkuasaan.

**SOALAN NO. 11**

**PEMBERITAHUAN PERTANYAAN BAGI JAWAPAN LISAN**

**MESYUARAT KEDUA, DEWAN RAKYAT**

**PENGGAL PERTAMA, PARLIMEN KEEMPAT BELAS**

**MAJLIS MESYUARAT DEWAN RAKYAT**

**PERTANYAAN : JAWAB LISAN**

**DARIPADA : DATO' NGEH KOO HAM [ BERUAS ]**

**TARIKH : 13 NOVEMBER 2018 (SELASA)**

**SOALAN :**

**Dato' Ngeh Koo Ham [ Beruas ]** minta **MENTERI PEMBANGUNAN WANITA, KELUARGA DAN MASYARAKAT** menyatakan berapakah jumlah penjenayah terhadap kanak-kanak yang telah disenaraikan di dalam daftar kanak-kanak dan apakah tindakan yang sudah atau sedang diambil untuk memastikan kanak-kanak dilindungi daripada penjenayah-penjenayah ini.

**JAWAPAN: YAB DATO' SERI DR. WAN AZIZAH DR. WAN ISMAIL,**  
**TIMBALAN PERDANA MENTERI MERANGKAP**  
**MENTERI PEMBANGUNAN WANITA, KELUARGA DAN**  
**MASYARAKAT**

Tuan Yang di-Pertua,

Saya mohon izin untuk menjawab soalan daripada **YB Lanang** dan **YB Lembah Pantai** pada 12 November 2018 serta **YB Beruas** pada 13 November 2018 bersekali kerana pertanyaan-pertanyaan tersebut saling berkait.

Bagi menangani isu penganiayaan, penderaan dan pengabaian kanak-kanak yang sebilangan besar dilakukan oleh ahli keluarga atau mereka yang mengendalikan kanak-kanak, Kementerian Pembangunan Wanita, Keluarga dan Masyarakat telah meminda Akta Kanak-kanak 2001 pada tahun 2016. Antara pindaannya ialah maklumat pelaku yang disabitkan kesalahan jenayah terhadap kanak-kanak telah dimasukkan ke dalam peruntukan seksyen mengenai Daftar Kanak-kanak.

Sejak penguatkuasaan pindaan akta ini mulai tahun 2017, seramai 536 orang pesalah yang disabitkan dengan kesalahan jenayah terhadap kanak-kanak telah didaftarkan secara manual ke dalam Daftar Kanak-kanak oleh Pegawai Kebajikan Masyarakat di daerah. Antara cabaran dalam proses pengumpulan maklumat pelaku yang disabitkan kesalahan jenayah serta permohonan saringan rekod jenayah pekerja oleh majikan dalam industri perkhidmatan kanak-kanak bagi Daftar Kanak-kanak adalah seperti berikut:-

- i) Kesukaran melengkapkan maklumat pelaku yang disabitkan kesalahan terhadap kanak-kanak yang terdapat di agensi seperti Polis Diraja Malaysia(PDRM) dan Mahkamah kerana ketiadaan penyelarasan penyaluran maklumat yang diperlukan antara agensi-agensi berkaitan;
- ii) Maklumat pelaku yang disabitkan kesalahan jenayah terhadap kanak-kanak tidak komprehensif dan terhad kepada kes perlindungan kanak-kanak kendalian JKM sahaja. Manakala kes kanak-kanak yang tidak dirujuk kepada JKM tidak didaftarkan dalam Daftar tersebut;

- iii) Maklumat sedia ada dalam Daftar Kanak-kanak terhad kepada jenis-jenis kesalahan terhadap kanak-kanak di bawah Akta Kanak-Kanak 2001 dan tidak meliputi jenis kesalahan jenayah daripada undang-undang lain seperti Kanun Keseksaan;
- iv) Keperluan semak silang (*cross-checking*) dengan PDRM apabila suatu permohonan penyaringan rekod jenayah dibuat. Maklumat sedia ada dalam Daftar Kanak-kanak sedia ada tidak menyeluruh.

Berdasarkan cabaran pengumpulan maklumat pelaku disabitkan kesalahan jenayah yang terhad maka fungsi Daftar Kanak-Kanak bagi penyaringan bagi mereka yang berurusan atau mengendalikan kanak-kanak tidak dapat dilaksanakan sepenuhnya mengikut keperluan pewujudan daftar tersebut. Justeru itu, promosi bagi menggalakkan semakan ke atas Daftar tidak diperluaskan selama ini kerana dikhawatiri terdapat individu yang terlepas daripada sistem saringan disebabkan oleh maklumat yang tidak lengkap.

Tuan Yang di-Pertua,

Namun begitu, Kementerian ini melihat keperluan mempunyai satu sistem saringan yang lengkap mesti diadakan kerana kes-kes penderaan kanak-kanak semakin bertambah. Bagi perspektif penyaringan terhadap pelaku yang disabitkan kesalahan jenayah (*working with children check*), Kementerian sedang membangunkan satu sistem semakan terhadap penjenayah. Bagi tujuan ini, Kementerian dengan kerjasama MAMPU sedang berkolaborasi dengan pihak PDRM, Mahkamah, Penjara dan lain-lain agensi berkaitan menggunakan kepakaran serta sumber sedia ada bagi membangunkan sistem tersebut. Melalui sistem ini, pihak sekolah, institusi kanak-kanak, Taska, pusat jagaan atau pengusaha bas sekolah boleh melakukan semakan terhadap kakitangan atau pekerja bagi memastikan individu yang mempunyai rekod sabitan jenayah tidak diambil bekerja dalam industri yang berkaitan dengan kanak-kanak. Mesyuarat telah pun diadakan dan sekarang dalam proses pelaksanaan.

Sebagai rumusan dari perspektif perlindungan kanak-kanak, pembangunan sistem Daftar Kanak-kanak akan memudahkan proses pendaftaran, penyeliaan, intervensi dan pemantauan kanak-kanak yang memerlukan

pemeliharaan dan perlindungan di Pejabat Kebajikan Masyarakat Daerah secara atas talian. Bagi penyelidik, akses kepada sistem daftar kanak-kanak menyediakan maklumat yang diperlukan dalam kajian. Penemuan kajian dapat digunakan untuk merangka program-program bagi manfaat perlindungan kanak-kanak pada masa hadapan.

Jadi secara rumusan, kita mempunyai daftar kanak-kanak sedia ada tetapi mempunyai banyak kelemahan dalam sistem ini. *Moving forward*, Kementerian sedang dalam proses melaksanakan satu *working with children check* yang membolehkan semua pihak yang mempunyai akses kepada kanak-kanak melakukan sistem saringan ini, ada *screening to be done* kerana kita jangka sistem saringan ini akan sedia untuk kita lancarkan pada tahun hadapan.

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL PERTAMA,  
PARLIMEN KEEMPAT BELAS**

---

**PERTANYAAN : LISAN**  
**DARIPADA : DATO' DR. HAJI NOOR AZMI BIN GHAZALI**  
**[BAGAN SERAI]**  
**TARIKH : 12 NOVEMBER 2018 (ISNIN)**

**SOALAN NO. 14**

Minta **MENTERI KESIHATAN** menyatakan apakah statistik penularan penyakit TB di negara ini sejak 3 tahun lepas dan apakah langkah-langkah yang diambil selari dengan strategi penamatan TB oleh Pertubuhan Bangsa-Bangsa Bersatu.

**JAWAPAN**

**Yang di-Pertua,**

Secara umumnya terdapat peningkatan jumlah kes TB sejak 3 tahun lepas iaitu **24,220** kes (tahun 2015), **25,739** kes (tahun 2016) dan **26,168 kes** (tahun 2017) iaitu peningkatan sebanyak **1,948 kes (8%)** pada tahun 2017 berbanding jumlah kes tahun 2015.

Peningkatan kes TB ini adalah selaras dengan usaha Kementerian bagi mengesan awal kes TB melalui program saringan yang telah dijalankan, di mana pesakit yang telah dikesan akan dirawat sehingga sembah dan tidak lagi menyebarkan kuman TB kepada masyarakat.

**Yang di-Pertua,**

Pertubuhan Kesihatan Sedunia (WHO) telah menyediakan garis panduan bagi menamatkan epidemik TB menjelang 2035 iaitu ***End TB Strategy***. Malaysia telah mengambil langkah proaktif menyediakan **Pelan Strategik Kawalan Tibi Kebangsaan (2016-2020)** yang mempunyai sebelas (11) strategi utama bagi mencegah dan mengawal penularan penyakit TB di Malaysia.

Di antara strategi intervensi tersebut adalah seperti berikut:

- i. meningkatkan kadar pengesanan awal kes TB dan merawat sehingga sembah agar pesakit tidak menjangkiti individu lain seperti program saringan golongan berisiko tinggi TB disemua fasiliti kesihatan KKM;

## **NO SOALAN: 12**

- ii. memperkuuhkan kawalan TB dalam kalangan kanak-kanak dan memastikan semua bayi baru lahir diberi imunisasi BCG bagi mengelakkan jangkitan kuman TB yang serius seperti TB *miliaris* dan TB *meningitis*;
- iii. meningkatkan aktiviti kolaborasi bersama bagi pengurusan kes komorbid TB seperti HIV, diabetes dan sebagainya;
- iv. memperkuuhkan program kawalan kes rintang TB (*drug resistant TB*) dan memastikan bekalan ubatan anti-TB sentiasa ada;
- v. memperkuuhkan Program Kawalan *Latent TB Infection* (LTBI) dengan memberi ubatan *isoniazid preventive therapy* (IPT) kepada kontak kanak-kanak yang berumur bawah 5 tahun dan pesakit HIV yang tidak didiagnos penyakit TB. KKM akan mula melakukan saringan LTBI di kalangan kontak smear positif TB dan kontak yang dikenalpasti positif LTBI akan dimulakan rawatan IPT.

**Yang di-Pertua,**

Kementerian amat komited dan akan sentiasa berusaha mencegah dan mengawal penularan penyakit TB di Malaysia.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT KEDUA, PENGGAL PERTAMA,  
PARLIMEN KEEMPATBELAS**

---

**PERTANYAAN : LISAN**

**DARIPADA : YB TUAN MORDI BIMOL (MAS GADING)**

**TARIKH : 12 NOVEMBER 2018**

**RUJUKAN : 11209**

**SOALAN :**

**Tuan Mordi Bimol [ Mas Gading ]** minta **MENTERI DALAM NEGERI** menyatakan secara jelas apakah tindakan Kerajaan bagi membantu kanak-kanak di luar bandar yang tiada status kewarganegaraan yang tidak dapat bersekolah kerana masih menunggu jawapan KDN untuk permohonan kewarganegaraan.

**JAWAPAN**

Tuan Yang di-Pertua,

Jabatan Pendaftaran Negara (JPN) bertanggungjawab mendaftar dan merekodkan status seseorang individu sebagai Warganegara atau Bukan Warganegara berdasarkan kepada status perkahwinan dan taraf kewarganegaraan ibu bapa individu sewaktu kelahiran berlaku selaras dengan peruntukan dalam Bahagian III Perlembagaan Persekutuan. Dalam hal ini, tiada individu yang direkodkan sebagai *stateless* di Malaysia.

Individu yang dilahirkan sebelum perkahwinan ibu bapa mereka didaftarkan secara sah mengikut perundangan negara ini (anak tak sah taraf), maka

## **SOALAN: 13**

kewarganegaraan individu tersebut adalah mengikut kewarganegaraan ibunya, selaras dengan Seksyen 17, Bahagian III, Jadual Kedua, Perlembagaan Persekutuan. Justeru, anak tak sah taraf yang dilahirkan oleh wanita warga asing akan direkodkan sebagai Bukan Warganegara.

Ibu bapa atau penjaga individu yang bertaraf Bukan Warganegara bertanggungjawab untuk menguruskan dokumen pengenalan diri dan dokumen perjalanan dengan negara asal ibunya. Kementerian ini ingin menegaskan bahawa kegagalan ibu atau penjaga melaksanakan tanggungjawab mereka akan menyebabkan isu berbangkit seperti ketiadaan dokumen pengenalan diri dari negara asal yang akhirnya menyebabkan keberadaan yang tidak sah di negara ini. Seterusnya, mereka juga disalah anggap sebagai *stateless* di negara ini.

Bagi kanak-kanak yang tidak mempunyai hak tuntutan kewarganegaraan (iaitu yang bertaraf Bukan Warganegara), ibu bapa atau penjaga yang sah boleh mengemukakan permohonan untuk kanak-kanak itu memperoleh kewarganegaraan Malaysia melalui pendaftaran, jika telah memenuhi syarat-syarat yang ditetapkan oleh Perlembagaan Persekutuan dan perundangan yang berkaitan dengan pendaftaran perkahwinan, pendaftaran kelahiran, pengangkatan yang sah serta lain-lain perundangan berkuat kuasa. Dalam hal ini, beban untuk membuktikan kelayakan tersebut adalah di bawah tanggungjawab pemohon juga.

Berhubung dengan isu persekolahan kanak-kanak kerana masalah berkaitan kewarganegaraan, perkara tersebut adalah di bawah bidang kuasa Kementerian Pendidikan Malaysia.

**MESYUARAT KEDUA, PENGGAL PERTAMA,  
PARLIMEN KEEMPAT BELAS  
PEMBERITAHUAN PERTANYAAN  
DEWAN RAKYAT MALAYSIA**

---

**PERTANYAAN : JAWAB LISAN**

**DARIPADA : DATUK HAJI AHMAD JAZLAN BIN YAAKUB [ MACHANG ]**

**TARIKH : 12 NOVEMBER 2018 (ISNIN)**

minta **MENTERI PEMBANGUNAN LUAR BANDAR** menyatakan adakah pihak Kementerian bercadang untuk mengkaji semula elaun yang diberikan kepada guru dan pembantu di Tabika KEMAS.

**JAWAPAN**

Tuan Yang Di-Pertua,

Untuk makluman Yang Berhormat, perjawatan guru-guru KEMAS adalah bersandarkan kepada Skim Perkhidmatan yang berkuatkuasa iaitu Penolong Pegawai Pembangunan Masyarakat Gred S29 dengan gelaran Pemaju Masyarakat Tabika/Taska. Jawatan ini berstatus kontrak (Contract of Service) dan boleh disambung mengikut syarat yang ditetapkan sehingga bersara wajib pada umur 60 tahun.

Mereka yang berkhidmat dalam skim Perkhidmatan ini menerima gaji, elaun dan pelbagai kemudahan mengikut perjanjian yang telah ditandatangani. Secara anggaran, pendapatan kasar seorang guru KEMAS yang baru dilantik ialah RM2530.95 dan boleh diberi pergerakan gaji tahunan sebanyak RM145.00 setiap tahun mengikut prestasi kerja.

Bagi mereka yang telah berkhidmat sekurang-kurangnya 15 tahun (lantikan sebelum atau pada 23 Oktober 2015) boleh dilantik secara tetap mulai 1 Julai 2016.

Untuk makluman Yang Berhormat juga, Pembantu Pemaju Masyarakat Sukarela (PPMS) Tabika/Taska KEMAS ialah individu dikalangan suri rumah/wanita tempatan yang diambil oleh Jawatankuasa Aktiviti Taman Bimbingan Kanak-Kanak (TABIKA) dan Taman Asuhan Kanak-Kanak (TASKA) Permata dibawah Jabatan Kemajuan Masyarakat (KEMAS).

Pengambilan PPMS adalah secara sukarela, tidak termasuk dalam kategori pegawai awam yang mana tugas utama mereka ialah membantu menyediakan makanan dan minuman kanak-kanak, membantu menjaga kebersihan dan keselamatan kanak-kanak serta membantu menguruskan kanak-kanak di TABIKA dan TASKA Permata KEMAS.

Tempoh masa bertugas PPMS tidak tertakluk kepada waktu pejabat iaitu 8 jam sehari, tetapi waktu mula bertugas hendaklah sama dengan waktu bertugas Pemaju Masyarakat Tabika / Taska dan dibenarkan pulang pada bila-bila masa selepas selesai melaksanakan tugas yang ditetapkan.

Kadar bayaran Elaun Saguhati kepada PPMS adalah sebanyak RM400 sebulan berkuatkuasa pada 1 April 2011. Walau bagaimanapun, mulai 1 Januari 2017, bayaran tersebut telah dinaikkan kepada RM500 sebulan.

Walau bagaimanapun, Kementerian mengambil maklum dengan saranan daripada Yang Berhormat ini dan akan mengkaji kesesuaian untuk menaikkan elaun saguhati PPMS dari semasa ke semasa tertakluk kepada kedudukan kewangan Kerajaan.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT KEDUA, PENGGAL PERTAMA,  
PARLIMEN KEEMPATBELAS**

---

**PERTANYAAN : JAWAB LISAN**

**DARIPADA : TUAN LARRY SOON @ LARRY SNG WEI SHIEN [ JULAU ]**

**TARIKH : 12 NOVEMBER 2018**

**RUJUKAN : 11092**

**SOALAN :**

**Tuan Larry Soon @ Larry Sng Wei Shien [ Julau ] minta MENTERI DALAM NEGERI menyatakan statistik bilangan siasatan, tahanan, pertuduhan dan sabitan kesalahan di bawah Seksyen 39B Akta Dadah Berbahaya dari tahun 1997 hingga 2017.**

**JAWAPAN:**

Tuan Yang Di-pertua,

Kementerian memandang serius isu penyeludupan dadah dalam negara dan sentiasa mempertingkatkan kerjasama antara agensi penguatkuasaan dalam dan juga luar negara untuk berkongsi dan bertukar maklumat risikan bagi mengekang penyeludupan dadah dan aktiviti pemprosesan dadah dalam negara.

Statistik kes, pertuduhan dan sabitan bagi kesalahan pengedaran dadah mengikut seksyen 39B, Akta Dadah Berbahaya 1952 dari tahun 1997 sehingga tahun 2017 mengikut kontinjen seperti berikut:

**STATISTIK KES, PERTUDUHAN DAN SABITAN BAGI SEK. 39B ADB  
1952 DARI TAHUN 1997 SEHINGGA 2017**

<b>KONTINJEN</b>	<b>KES</b>	<b>TUDUH</b>	<b>SABITAN</b>
SABAH	586	509	7
JOHOR	5024	4441	25
PERAK	4029	3845	10
PULAU PINANG	2535	2293	58
KUALA LUMPUR	5647	4661	59
PAHANG	1722	1414	34
KELANTAN	775	638	30
KEDAH	3582	3438	47
SELANGOR	5405	4873	108
PERLIS	172	150	4
MELAKA	950	906	5
N. SEMBILAN	1107	991	12
SARAWAK	620	520	10
TERENGGANU	569	527	9
<b>JUMLAH</b>	<b>32723</b>	<b>29206</b>	<b>492</b>

**SOALAN : 15**

Selain itu, PDRM juga mengambil tindakan tegas terhadap individu yang terlibat dengan pengedaran dadah termasuk yang telah ditangkap dibawah seksyen 39B ADB 1952 di bawah seksyen 3(1) Akta Dadah Berbahaya (Langkah-langkah Pencegahan Khas)1985 dan telah disabitkan dan di hukum dengan perintah tahanan di bawah seksyen 6(1) dan perintah sekatan di bawah seksyen 6 (3) ADB (LLPK) seperti berikut:-

**TANGKAPAN DI BAWAH ADB (LLPK) 1985 DARI TAHUN 2013 - 2018 (JAN-OGOS)**

KONTINJEN	2013	2014	2015	2016	2017	2018 (JAN- OGOS)	JUM
PERLIS	11	10	16	9	12	8	<b>66</b>
KEDAH	60	60	64	72	124	96	<b>476</b>
P/PINANG	72	95	74	92	97	69	<b>499</b>
PERAK	164	150	110	140	124	107	<b>795</b>
SELANGOR	111	106	107	158	160	108	<b>750</b>
K/LUMPUR	49	73	86	98	123	77	<b>506</b>
N/SEMBILAN	89	60	47	70	75	65	<b>406</b>
MELAKA	20	29	31	44	41	33	198
JOHOR	46	79	64	93	94	75	451
KELANTAN	85	109	83	85	117	66	545
TERENGGANU	87	90	58	49	58	42	384
PAHANG	39	56	75	56	73	34	333
SARAWAK	16	13	19	25	46	30	149
SABAH	20	18	20	24	93	50	225
<b>JUMLAH</b>	<b>869</b>	<b>948</b>	<b>854</b>	<b>1,015</b>	<b>1,237</b>	<b>860</b>	<b>5,783</b>

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL PERTAMA,  
PARLIMEN KEEMPAT BELAS**

---

**PERTANYAAN : LISAN**

**DARIPADA : PUAN RUBIAH BINTI HAJI WANG  
[ KOTA SAMARAHAN ]**

**TARIKH : 12 NOVEMBER 2018 (ISNIN)**

**SOALAN NO. 16**

Minta **MENTERI HAL EHWAL EKONOMI** menyatakan perincian kedudukan dan pencapaian Malaysia dalam daya saing ekonomi dunia ketika ini sehingga tahun 2020.

**JAWAPAN**

Tuan Yang di-Pertua,

Untuk makluman Ahli Yang Berhormat, Malaysia masih kekal kedudukannya sebagai negara yang ke-24 paling berdaya saing dalam kalangan 190 negara berdasarkan laporan ***Doing Business 2018*** oleh Bank Dunia. Tahap daya saing Malaysia ini juga telah diiktiraf di dalam laporan ***World Competitiveness Yearbook 2018*** oleh *International Institute for Management Development (IMD)*, di mana Malaysia berada di kedudukan ke-22 daripada 63 negara, dan ***Global Competitiveness Report 2018*** oleh *World Economic Forum (WEF)* yang meletakkan Malaysia pada kedudukan ke-25 daripada 140 negara.

Berdasarkan laporan tersebut juga, Malaysia masih tergolong di antara 10 negara teratas paling berdaya saing di peringkat rantau Asia Pasifik bagi ketiga-tiga laporan antarabangsa tersebut sejak tahun 2012. Malaysia telah menunjukkan prestasi yang cemerlang dalam aspek pengurusan ekonomi, persekitaran perniagaan yang efisyen, kecekapan tadbir urus awam dan penyediaan infrastruktur yang baik. Walau

bagaimanapun, prestasi Malaysia dalam beberapa aspek telah terjejas sejak kebelakangan ini. Contohnya, ketidaksamaan pembangunan antara negeri, kesenjangan antara kumpulan pendapatan, kadar pengangguran yang tinggi dalam kalangan belia, kos sara hidup yang meningkat dan industri yang masih berada pada peringkat bawah dalam rantaian nilai pengeluaran, adalah antara isu yang perlu ditangani bagi meningkatkan lagi kedudukan daya saing negara.

Tuan Yang di-Pertua,

Dalam Rancangan Malaysia Kesebelas, sasaran pelbagai dimensi telah diperkenalkan dengan menekankan kepada enam sasaran utama, iaitu pertumbuhan keluaran dalam negeri kasar (KDNK), pendapatan per kapita, produktiviti buruh, pendapatan isi rumah, pampasan pekerja dan kesejahteraan rakyat. Dalam Kajian Separuh Penggal Rancangan Malaysia Kesebelas, sasaran pelbagai dimensi ini telah diperkuuhkan lagi dengan menekankan kepada aspek kualitatif dan menjajarkannya dengan pelbagai strategi di bawah enam Tonggak dasar bagi menangani isu ketidaksamaan, ketidaksamarataan dan isu struktur yang ada. Ini akan memastikan pertumbuhan adalah lebih bersifat inklusif dan benar-benar bermakna untuk rakyat.

## **NO SOALAN : 16**

Di samping itu, Kerajaan akan melaksanakan agenda reformasi ekonomi untuk memperkuatkan lagi pertumbuhan ekonomi bagi melonjakkan Malaysia menjadi sebuah negara maju. Langkah ini akan berlandaskan kepada inovasi, kreativiti dan aktiviti yang mempunyai nilai ditambah yang tinggi untuk memacu produktiviti. Antara lain, pertumbuhan sektoral dan reformasi struktur akan diperkuatkan, inovasi dan penerimaan teknologi akan ditingkatkan serta infrastruktur yang berkualiti akan disediakan. Justeru, langkah tersebut dijangka akan terus menyokong pertumbuhan ekonomi yang lebih mampan dan meningkatkan daya saing ekonomi negara.

Sekian, terima kasih.  
12 November 2018

Kementerian Hal Ehwal Ekonomi

**NO. SOALAN : 17**

**PEMBERITAHUAN PERTANYAAN BAGI JAWAPAN LISAN**  
**MESYUARAT KEDUA, PENGGAL PERTAMA,**  
**PARLIMEN KEEMPAT BELAS,**  
**MAJLIS MESYUARAT DEWAN RAKYAT**

**PERTANYAAN : LISAN**

**DARIPADA : YB TUAN PANG HOK LIONG [LABIS]**

**TARIKH : 12 NOVEMBER 2018**

**MENJAWAB**

**SOALAN : 17**

**YB TUAN PANG HOK LIONG [LABIS]** minta **PERDANA MENTERI** menyatakan Kerajaan baharu telah berjanji akan melaksanakan demokrasi sebenar termasuk kebebasan akhbar. Bilakah Kerajaan akan memansuhkan Akta-Akta zalim seperti berikut iaitu Akta Kesalahan Keselamatan (Langkah-Langkah Khas) 2012 (SOSMA), Akta Pencegahan Keganasan 2015 (POTA), Akta Universiti dan Kolej Universiti 1971 (AUKU) dan Akta Hasutan 1948.

**JAWAPAN: YB DATUK LIEW VUI KEONG**  
**MENTERI DI JABATAN PERDANA MENTERI**

Tuan Yang di-Pertua,

1. Pada 24 Oktober 2018, saya telah mengumumkan bahawa sebanyak 113 undang-undang yang akan dimansuhkan, dipinda dan digubal oleh kementerian-kementerian yang berkaitan dan ini termasuklah undang-undang berkenaan kebebasan akhbar dan pemansuhan akta-akta zalim seperti Akta Kesalahan Keselamatan (Langkah-Langkah Khas) 2012 [Akta 747], Akta Pencegahan Jenayah 1959 [Akta 297], Akta Pencegahan Keganasan 2015 [Akta 769] dan Akta Hasutan 1948 [Akta 15].
  
2. Pada masa yang sama, Kementerian Dalam Negeri melalui Jawatankuasa Khas dan Jawatankuasa Teknikal Kajian Undang-Undang berkaitan Keselamatan sedang mengkaji undang-undang berkaitan keselamatan dan akan membentangkan sebarang pindaan dan pemansuhan dalam sesi Parlimen ini atau sesi Parlimen akan datang. Jawatankuasa ini dianggotai oleh wakil daripada Jabatan Peguam Negara, Polis Diraja Malaysia (PDRM), Pejabat Ketua Pendaftar Mahkamah Persekutuan Malaysia, Badan Peguam Malaysia, Suruhanjaya Hak Asasi Manusia (SUHAKAM) dan badan bukan kerajaan (NGO) yang bertujuan untuk mengkaji setiap peruntukan dalam undang-undang berkenaan keselamatan dengan lebih terperinci.

3. Sementara itu, pada 9 November 2018, kabinet telah bersetuju untuk meluluskan pindaan ke atas Akta Universiti dan Kolej Universiti 1971 (AUKU) yang akan dibentangkan di sesi Parlimen kali ini.

Sekian, terima kasih.

**PEMBERITAHU PERTANYAAN LISAN DEWAN RAKYAT  
MESYUARAT KEDUA, PENGGAL PERTAMA  
PARLIMEN KEEMPAT BELAS**

---

**PERTANYAAN : LISAN**

**DARIPADA : DATUK SERI DR. ADHAM BIN BABA  
[ TENGGARA ]**

**TARIKH : 12 NOVEMBER 2018 (ISNIN)**

**SOALAN NO. 18**

Minta **MENTERI PENDIDIKAN** menyatakan sejauh manakah proses pelaksanaan sistem akreditasi tunggal bagi pendidikan teknikal dan vokasional (TVET) yang selama ini menjadi masalah utama tadbir urus dan kawal selia kualiti penyampaian dalam bidang ini terutamanya dalam kaitan melanjutkan tahap pendidikan yang lebih tinggi untuk melahirkan lebih ramai jurutera teknologi.

**JAWAPAN**

Yang di-Pertua,

Untuk makluman Ahli Yang Berhormat, Sistem Jaminan Kualiti Tunggal pendidikan teknikal dan vokasional (TVET) yang akan dilaksanakan secara bersama oleh Agensi Kelayakan Malaysia (MQA) dan Jabatan Pembangunan Kemahiran (JPK) bertujuan menambah baik laluan pendidikan graduan TVET dengan:

1. memberi ruang kepada pelajar melanjutkan pengajian ke program TVET lebih tinggi yang bersesuaian mengikut bidang dan reka bentuk program; dan
2. pelajar juga berpeluang menyambung pengajian selepas menyertai alam kerjaya.

Pada umumnya, prinsip-prinsip yang sedang diteliti diharapkan dapat menggalakkan penawaran program yang direka untuk membuka laluan lebih lancar (*seamless*) ke peringkat Sarjana Muda dan seterusnya membuka peluang laluan ke peringkat Sarjana dan Kedoktoran.

Setelah prinsip artikulasi ini dimuktamadkan, ia akan menjadi sebahagian cadangan Sistem Jaminan Kualiti Tunggal TVET yang akan dipertimbangkan oleh Jemaah Menteri untuk dilaksanakan menjelang tahun 2019.

Di samping itu, pembangunan dan pengendalian program TVET adalah berlandaskan kepada Standard TVET dalam Kod Amalan Akreditasi Program TVET (*Code of Practice for TVET Programme Accreditation*). Objektif Kod Amalan ini adalah untuk menyelaras kualiti penyampaian dan mencapai kemenjadian graduan (*graduate outcome*) yang dihasratkan oleh industri TVET di dalam dan di luar negara.

Bagi program-program kejuruteraan teknologi dan program teknologi, MQA akan bekerjasama dengan Lembaga Jurutera Malaysia dan *Malaysia Board of Technologists* (MBOT) melalui Jawatankuasa Teknikal Bersama MQA dan badan profesional terbabit dalam menilai dan mengakredit program-program ini.

RJM82

**SOALAN NO. 19**

**PEMBERITAHUAN PERTANYAAN DEWAN RAKYAT**

**PERTANYAAN : LISAN**

**DARIPADA : TUAN ABDUL LATIFF BIN ABDUL RAHMAN  
[KUALA KRAI]**

**TARIKH : 12 NOVEMBER 2018**

**SOALAN : 19**

**Tuan Abdul Latiff bin Abdul Rahman [Kuala Krai] minta PERDANA MENTERI menyatakan adakah Kerajaan bercadang untuk mengkaji dan meminda semula undang-undang di bawah Perkara 51 Perlembagaan Persekutuan agar Ahli Parlimen dan ADUN tidak meletakkan jawatan sesuka hati tanpa sebab yang munasabah seperti kematian, kes mahkamah dan muflis.**

**JAWAPAN:** **YB DATUK LIEW VUI KEONG**  
**MENTERI DI JABATAN PERDANA MENTERI**

Tuan Yang di-Pertua,

Untuk makluman Ahli Yang Berhormat, buat masa ini, **tiada halangan bagi seseorang Ahli Dewan Rakyat atau Ahli Dewan Undangan Negeri (ADUN) untuk meletakkan jawatan pada bila-bila masa seperti mana yang diperuntukkan di bawah Perkara 51 Perlembagaan Persekutuan.**

Walau bagaimanapun, mana-mana Ahli Dewan Rakyat yang meletakkan jawatan adalah **dilarang untuk bertanding selama lima tahun** seperti mana yang diperuntukkan di bawah **Perkara 48(6) Perlembagaan Persekutuan**. Di samping itu, perkara yang sama juga telah dinyatakan dalam peruntukan undang-undang di bawah **Perlembagaan setiap negeri bagi ADUN yang meletakkan jawatan**.

Perkara ini perlu diteliti dengan lebih terperinci sebelum sebarang keputusan dapat dibuat.

Sekian, terima kasih.

**MESYUARAT KEDUA, PENGGAL PERTAMA,  
PARLIMEN KEEMPAT BELAS  
PEMBERITAHUAN PERTANYAAN  
DEWAN RAKYAT MALAYSIA**

---

**PERTANYAAN : JAWAB LISAN**  
**DARIPADA : TUAN MOHD SHAHAR BIN  
ABDULLAH [ PAYA BESAR ]**  
**TARIKH : 12 NOVEMBER 2018 (ISNIN)**

minta **MENTERI PEMBANGUNAN LUAR BANDAR** menyatakan adakah terdapat projek-projek perumahan baharu yang diusahakan oleh kerajaan melalui agensi seperti FELDA, FELCRA dan RISDA untuk generasi muda luar bandar memiliki rumah dan apakah usaha yang akan dilakukan oleh Kerajaan untuk pemuliharaan projek-projek perumahan PPRT yang terbengkalai di luar bandar.

**JAWAPAN**

Tuan Yang Di-Pertua,

Untuk makluman Yang Berhormat, Kementerian Pembangunan Luar Bandar (KPLB) sentiasa berusaha dalam menyediakan perkhidmatan yang terbaik untuk masyarakat khususnya dalam penyediaan rumah mampu milik kepada golongan berpendapatan rendah dan miskin di luar bandar termasuk golongan belia yang belum memiliki rumah berumur 18-45 tahun, telah berkeluarga, dan berpendapatan isi rumah kurang daripada RM4,000 sebulan.

Bagi memastikan golongan generasi muda luar bandar ini mampu memiliki rumah, KPLB akan meneruskan program Pembinaan Rumah Generasi Kedua Luar Bandar untuk generasi muda luar bandar melalui FELCRA dan RISDA berdasarkan baki peruntukan bagi tahun 2018.

Sehingga September 2018, sebanyak 388 unit rumah sudah dibina melalui program ini dan sebanyak 443 unit masih dalam perancangan dan pelaksanaan.

Walau bagaimanapun, bagi tahun yang akan datang, KPLB akan mengkaji semula program ini selaras dengan penyelarasan agensi dibawah KPLB serta kelulusan peruntukan bagi tahun 2019.

KPLB juga akan terus komited untuk menambahbaik program penyediaan rumah mampu milik kepada generasi muda luar bandar melalui kerjasama dengan Jabatan Perumahan Negara selaku agensi utama dalam perancangan dan pengurusan perumahan Negara.

Di samping itu juga, golongan generasi muda luar bandar yang berada dalam kategori miskin dan miskin tegar akan terus dibela melalui penyediaan bantuan rumah Program Perumahan Rakyat Termiskin (PPRT) yang diberikan secara percuma. Bagi tahun 2016 sehingga 2018, sebanyak 6,016 unit rumah PPRT telah dibina dan 29,565 unit telah dibaikpulih.

Untuk makluman Yang Berhormat juga, sehingga kini tiada projek PPRT yang terbengkalai direkodkan. KPLB akan sentiasa memastikan semua projek siap dalam tahun semasa walaupun terpaksa menyelaras semula tempoh pelaksanaan akibat pelbagai kekangan seperti faktor cuaca, lokasi pedalaman, dan sebagainya.

Antara langkah yang telah diambil bagi mempercepatkan proses pelaksanaan PPRT termasuklah penglibatan dan penyelarasan oleh pelbagai agensi di bawah KPLB dan Kerajaan Negeri, mengukuhkan pengurusan pemantauan PPRT serta mengkaji semula skop pelaksanaan PPRT bagi tahun 2019 dan seterusnya.

Untuk makluman Yang Berhormat juga, KPLB tidak mengawal selia projek-projek perumahan FELDA dan tidak mempunyai apa-apa projek perumahan di dalam kawasan FELDA.

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL PERTAMA,  
PARLIMEN KEEMPAT BELAS**

---

**PERTANYAAN : LISAN**

**DARIPADA : YB DATO' DR. NORAINI AHMAD  
[PARIT SULONG]**

**TARIKH JAWAPAN : 12 NOVEMBER 2018**

**SOALAN NO.22**

Minta **MENTERI PEMBANGUNAN USAHAWAN** menyatakan adakah pihak Kementerian bersedia membangun dan mengaplikasi kaedah 'equity crowdfunding' sebagai salah satu cara menjana dana modal bagi usahawan PKS seperti banyak yang diamalkan di negara luar.

**JAWAPAN**

Tuan Yang di-Pertua,

‘*Equity Crowdfunding*’ merupakan satu kaedah menjana modal yang dikumpul daripada orang ramai khususnya melalui internet bagi membiayai sesuatu projek atau perniagaan.

Menurut Suruhanjaya Sekuriti Malaysia (SSM), Malaysia merupakan negara ASEAN pertama yang telah memperkenalkan kerangka regulatori (*regulatory framework*) sebagai pemudahcara *crowdfunding* untuk menjana dana modal bagi usahawan Perusahaan Kecil dan Sederhana (PKS) serta perniagaan baharu inovatif yang lain. Kerangka ini telah diperkenalkan pada tahun 2015 dan sehingga kini, enam (6) operator bagi platform *crowdfunding* telah beroperasi sepenuhnya di negara ini.

Buat masa kini, tiada agensi di bawah Kementerian Pembangunan Usahawan (MED) yang menggunakan kaedah *crowdfunding* bagi tujuan menjana modal oleh kerana aktiviti pembiayaan dan pembangunan keusahawanan masih diperolehi melalui peruntukan yang disediakan oleh Kerajaan. Namun begitu, Kementerian sedang mengkaji kaedah *crowdfunding* ini jika sesuai untuk dilaksanakan dalam program pembangunan usahawan pada masa akan datang.

Sekian, terima kasih

**DEWAN RAKYAT  
PEMBERITAHUAN PERTANYAAN  
MESYUARAT KEDUA, PENGGAL PERTAMA  
PARLIMEN KEEMPAT BELAS (2018)**

---

**PERTANYAAN : LISAN**

**TARIKH : 12 NOVEMBER 2018 [ ISNIN ]**

**DARIPADA : DATUK HAJI SHABUDIN BIN YAHAYA  
[ TASEK GELUGOR ]**

**SOALAN :**

**DATUK HAJI SHABUDIN BIN YAHAYA [TASEK GELUGOR] minta PERDANA MENTERI menyatakan:-**

- a) apakah perancangan jangka masa panjang Kerajaan berkenaan wakaf bagi kepentingan umat Islam; dan
- b) berapakah keluasan tanah wakaf orang Islam di Malaysia dan pecahan mengikut negeri

**JAWAPAN: (YB DATO' DR. MUJAHID BIN YUSOF, MENTERI DI JABATAN PERDANA MENTERI)**

Tuan Yang Di Pertua,

**JAWAPAN (A)**

Perubahan strategik merupakan satu usaha membentuk anjakan paradigma bagi kepentingan umat Islam dalam menjana penaiktarafan sosio ekonomi Bumiputera ke arah lebih baik. Langkah dan usaha yang akan dilaksanakan Kementerian dalam memajukan tanah wakaf bagi tujuan tersebut adalah melalui empat (4) perubahan strategik iaitu penyelarasan projek pembangunan harta tanah wakaf melalui peruntukkan Kerajaan Persekutuan, pendekatan korporat dalam sistem pengurusan dan pentadbiran harta tanah wakaf, pemantapan sistem maklumat harta tanah wakaf secara bersepadau dan penyeragaman pengurusan dan pembangunan harta tanah wakaf.

Kerajaan Persekutuan akan memfokuskan pembangunan ke atas tanah-tanah wakaf dengan menyalurkan peruntukkan pembangunan kepada Jabatan Wakaf, Zakat dan Haji (JAWHAR) dalam usaha membantu Majlis Agama Islam Negeri-negeri (MAIN) meningkat dan menjaga ekonomi umat Islam. Pembangunan yang dirancang meliputi lima (5) kategori projek iaitu sosial, ekonomi, pendidikan, kesihatan dan perumahan sepertimana yang dinyatakan di dalam Rancangan Malaysia Ke-Sebelas (RMKe-11). Antara perancangan akan dilaksanakan oleh JAWHAR dengan kerjasama MAIN adalah melalui cadangan perluasan kategori projek pembangunan seperti perladangan, pertanian, air , elektrik dan tenaga.

**JAWAPAN (B)**

Berdasarkan kepada Kajian Pelan Induk Transformasi Pembangunan Harta Tanah Wakaf di Malaysia dan sumber daripada MAIN pada tahun 2013, jumlah kluasan tanah wakaf yang direkodkan adalah sebanyak 30,888.89 hektar yang meliputi:

<b>BIL.</b>	<b>NEGERI</b>	<b>JUMLAH KELUASAN HEKTAR</b>
1.	Pulau Pinang	742.01
2.	Pahang	74.60
3.	Kelantan	284.92
4.	Terengganu	484.10
5.	Melaka	357.04
6.	Wilayah Persekutuan	24.27
7.	Negeri Sembilan	17.18
8.	Sabah	2,130.04
9.	Selangor	352.67
10.	Perlis	83.22
11.	Perak	20,225.75
12.	Kedah	820.31
13.	Johor	-
14.	Sarawak	-
<b>JUMLAH HEKTAR</b>		<b>30,888.89 Hektar</b>

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL PERTAMA,  
PARLIMEN KEEMPAT BELAS**

---

**PERTANYAAN : LISAN**

**DARIPADA : TUAN TEH KOK LIM [ TAIPING ]**

**TARIKH : 12 NOVEMBER 2018 (ISNIN)**

**SOALAN NO. 24**

Minta **MENTERI PERTANIAN DAN INDUSTRI ASAS TANI** menyatakan rancangan untuk mengukuhkan rangkaian bekalan makanan utama dan juga tindakan yang akan diambil untuk memulihkan jelapang padi di Bukit Merah, Perak.

**JAWAPAN**

Tuan Yang Dipertua,

Antara rancangan untuk mengukuhkan bekalan makanan utama adalah seperti berikut:

- (i) memperuntukkan sebanyak RM150 juta di bawah RMKe11 untuk pelaksanaan mekanisasi dan automasi bagi industri padi;
- (ii) pengukuhan infrastruktur pengairan dan saliran bagi Kawasan Pembangunan Pertanian Bersepadu (IADA) di mana sebanyak RM1.395 billion diperuntukkan di bawah RMKe11;

- (iii) penggunaan benih padi sah di mana sebanyak RM75 juta diperuntukkan pada setiap tahun bagi memastikan benih padi berkualiti dibekalkan kepada pesawah;
- (iv) melaksanakan penyelidikan dan pembangunan (R&D) secara berterusan melalui pengenalan kepada varieti benih baru seperti MARDI Siraj 297, MR303, MR 307, UKM RC-2 dan UKM RC-8. Pengenalan varieti baru dapat meningkatkan hasil dan rintang (tahan) kepada penyakit;
- (v) meningkatkan harga belian padi pada kadar RM1,200 per tan metrik mulai tahun 2014;
- (vi) meningkatkan kecekapan input bagi memastikan peningkatan produktiviti tanaman padi seperti meningkatkan kesuburan tanah melalui *soil profiling*;
- (vii) membangunkan SOP khusus pengurusan lepas tuai bagi membantu pengurangan kehilangan lepas tuai yang seterusnya boleh meningkatkan pendapatan petani;
- (viii) meningkatkan produktiviti tanaman padi melalui penggunaan baja kombinasi baharu selepas kajian dijalankan; dan
- (ix) penubuhan *Farmer Field School* (FFS).

Sehingga tempoh semasa, tiada masalah serius berkaitan tanaman padi di kawasan Bukit Merah, Perak. Kadar tahap kemasaman tanah kawasan ini ialah pH 4.5 iaitu menghampiri kadar minimum (pH 4.8) untuk tanaman padi.

Sekian, terima kasih.

**PEMBERITAHUAN PERTANYAAN  
DEWAN RAKYAT, MALAYSIA**

**PERTANYAAN : LISAN**  
**DARIPADA : DATO' SIVARRAAJH CHANDRAN**  
**[ CAMERON HIGHLANDS ]**  
**TARIKH : 12 NOVEMBER 2018 (ISNIN)**

**Dato' Sivarraajh Chandran [ Cameron Highlands ]** minta **MENTERI PERDAGANGAN DALAM NEGERI DAN HAL EHWAL PENGGUNA** menyatakan apakah langkah yang akan diambil oleh Kementerian untuk memastikan tiada jualan arak murah yang berbahaya dan apakah hukuman yang akan dikenakan kepada mereka yang menjual arak bahaya ini tanpa lesen.

**JAWAPAN**

**Tuan Yang di-Pertua,**

Kementerian Perdagangan Dalam Negeri dan Hal Ehwal Pengguna (KPDNHEP) tidak terlibat secara langsung dalam perdagangan minuman beralkohol. Kementerian ini hanya terlibat sekiranya terdapat pelanggaran cap dagangan (barang tiruan) yang mana tindakan adalah berdasarkan Akta Perihal Dagangan 2011.

**PEMBERITAHUAN PERTANYAAN LISAN DEWAN RAKYAT,  
MESYUARAT KEDUA, PENGGAL PERTAMA,  
PARLIMEN KEEMPAT BELAS**

---

**PERTANYAAN : LISAN**

**DARIPADA : YB DATO' SERI HAJI IDRIS BIN JUSOH  
[ BESUT ]**

**TARIKH : 12 NOVEMBER 2018 (ISNIN)**

**NO. SOALAN. 26**

Minta **MENTERI PENDIDIKAN** menyatakan adakah Kerajaan berhasrat untuk menambah bilangan pelajar asing sedia ada dan jika benar, apakah langkah-langkah yang digunakan bagi memastikan bilangan tersebut dapat ditingkatkan.

**JAWAPAN**

Yang di-Pertua,

Untuk makluman Ahli Yang Berhormat, Kerajaan berhasrat untuk meningkatkan pengambilan pelajar antarabangsa di institusi pendidikan tinggi (IPT) kepada 250,000 orang pelajar menjelang tahun 2025. Walau bagaimanapun, sasaran baharu bagi jumlah ini akan ditetapkan semula oleh Kementerian Pendidikan Malaysia (KPM) selepas semakan semula Pelan Pembangunan Pendidikan Malaysia Pendidikan Tinggi [PPPM (PT)] oleh Majlis Penasihat Pendidikan Tinggi (MPPT) selesai dibuat.

Sehingga 30 Jun 2018, seramai 173,768 orang pelajar antarabangsa yang sedang belajar di Malaysia, jumlah ini menunjukkan peningkatan sebanyak 1.3 peratus dari suku tahun pertama 2018. Peningkatan kemasukan pelajar antarabangsa ke Malaysia ini adalah didorong oleh usaha berterusan Kerajaan dalam keterlihatan jenama pendidikan Malaysia melalui pencapaian universiti awam dan institusi pendidikan tinggi swasta di kedudukan dunia. Kerjasama antara KPM dengan kedutaan di negara lain juga diharapkan dapat meningkatkan kemasukan pelajar antarabangsa.

Antara usaha-usaha yang telah dijalankan oleh KPM dalam merancakkan lagi kemasukan pelajar antarabangsa adalah dengan memberi fokus kepada Diplomasi Pendidikan. Pegawai-pegawai *Education Malaysia* (EM) di luar negara bertanggungjawab membuka laluan kepada promosi antarabangsa antara kerajaan (G to G), rundingan secara berterusan, mendapatkan penajaan atau geran pendidikan dan terlibat dengan program *engagement* dengan pihak Kerajaan dan universiti di luar negara.

Pihak KPM juga sentiasa mengambil inisiatif berterusan bagi menambahbaik penyampaian perkhidmatan di IPT dengan mengadakan program-program intervensi dengan semua pemain-pemain industri pendidikan antarabangsa IPT seperti mengadakan Seminar Pengantarabangsaan, sesi *town hall*, jerayawara pengantarabangsaan oleh IPT dan lain-lain program.

## **SOALAN NO : 26**

Untuk makluman Ahli Yang Berhormat, KPM melalui *Education Malaysia Global Services* (EMGS) sedang giat membuat promosi dan menguruskan visa pelajar antarabangsa yang berminat ke Malaysia. Usaha ini dilaksanakan secara kerjasama strategik dengan agensi perekrutan seperti menyertai pameran solo di negara yang berpotensi tinggi seperti China, India, Pakistan dan Kazakhstan bagi mempromosikan program penuh dan mobiliti. Contohnya pada 13 hingga 14 Oktober 2018 telah berlangsung program promosi pendidikan “*Ayo Kuliah Di Malaysia*” Edufair di Kedutaan Besar Malaysia Jakarta, Indonesia dan “*Yes To Malaysia*” di Jeddah dan Riyad, Arab Saudi.

Pada masa yang sama, KPM menerusi kolaborasi berterusan dengan agensi seperti Jabatan Imigresen Malaysia, Kementerian Dalam Negeri dalam menguruskan visa pelajar-pelajar antarabangsa yang berminat ke Malaysia bagi menambahbaik dan memudahkan cara kemasukan pelajar antarabangsa tanpa berkompromi tentang keselamatan negara.

Sekian, terima kasih.

RJM85

**PEMBERITAHUAN PERTANYAAN DEWAN RAKYAT**

**PERTANYAAN :** LISAN

**DARIPADA :** YB TUAN ROBERT LAWSON CHUAT  
[BETONG]

**TARIKH :** 12 NOVEMBER 2018

**SOALAN :** NO. 27

**YB TUAN ROBERT LAWSON CHUAT [BETONG]** minta **PERDANA MENTERI** menyatakan sejauh manakah peruntukan pembangunan yang dijanjikan untuk Sarawak dalam Rancangan Malaysia Kesebelas telah dilaksanakan sehingga Kajian Separuh Penggal Rancangan berkenaan hari ini.

---

**JAWAPAN: YB DATUK WIRA DR. MD FARID BIN MD RAFIK  
TIMBALAN MENTERI DI JABATAN PERDANA MENTERI**

---

Tuan Yang Di Pertua,

Sehingga 4 November 2018, sebanyak **595 projek** pembangunan Rancangan Malaysia Lima Tahun telah dilulus dan dilaksanakan di negeri Sarawak dengan kos keseluruhan sebanyak **RM59.26 bilion**. Daripada **595 projek** tersebut, **116 projek** telah **disiapkan**, **239 projek** dalam **pelaksanaan** manakala **240 projek** lagi dalam peringkat **pra pelaksanaan**.

**MESYUARAT KEDUA, PENGGAL PERTAMA  
PARLIMEN KEEMPAT BELAS  
PEMBERITAHUAN PERTANYAAN  
DEWAN RAKYAT MALAYSIA**

**PERTANYAAN : LISAN**

**DARIPADA : YB USTAZ FADHLI BIN SHAARI**

**KAWASAN : PASIR MAS**

**TARIKH : 12 NOVEMBER 2018, ISNIN**

**SOALAN :**

**YB USTAZ FADHLI BIN SHAARI** minta **MENTERI KERJA RAYA** menyatakan bilakah projek Jalan Pasir Mas Bypass Fasa 2, Kelantan dijangka siap sepenuhnya.

## JAWAPAN :

Tuan Yang Di-Pertua,

Untuk makluman Ahli Yang Berhormat, projek Pasir Mas By Pass Fasa 2 yang melibatkan skop kerja menaiktaraf Bulatan Lemal, pembinaan jejambat (*flyover*) di atas Bulatan Lemal dan pembinaan jambatan baru bersebelahan Jambatan Salor sedia ada telah dimiliki tapak pada 19 Januari 2015. Tarikh siap semasa projek adalah pada 28 Ogos 2019.

Kelewatan perlaksanaan projek adalah berikutan isu pengambilan tanah yang lewat diselesaikan. Berikut merupakan maklumat kelulusan lanjutan masa:

- i) **EOT 1** : Diluluskan pada 15 Februari 2016 sebanyak 159 hari disebabkan isu pengambilan balik tanah (PBT) dan kerja pengalihan utiliti yg belum selesai. Tarikh lanjutan baru 26 Jun 2018.
- ii) **EOT 2** : Diluluskan pada 10 Januari 2017 sebanyak 185 hari disebabkan isu PBT yang belum selesai di Jajahan Pasir Mas. Tarikh lanjutan baru 28 Disember 2018.
- iii) **EOT 3** : Diluluskan pada 21 Mei 2018 sebanyak 243 hari disebabkan isu PBT bagi 7 lot tanah yang tertinggal bayaran sebahagian (seperti bangunan,pagar,kolam dan lain-lain). Tarikh lanjutan baru 28 Ogos 2019.

Status kemajuan fizikal projek (sehingga 15 Oktober 2018) adalah 78.61%(jadual) berbanding 82.0%(sebenar) awal 3.39% bersamaan 13 hari.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL PERTAMA,  
PARLIMEN KEEMPAT BELAS**

---

**PERTANYAAN : LISAN**  
**DARIPADA : Y.B. DATUK HAJAH AZIZAH BINTI DATUK SERI PANGLIMA HAJI MOHD DUN**  
**[BEAUFORT]**  
**TARIKH : 12 NOVEMBER 2018 (ISNIN)**

**SOALAN NO. 29**

**Y.B. DATUK HAJAH AZIZAH BINTI DATUK SERI PANGLIMA HAJI MOHD DUN [ BEAUFORT ]** minta **MENTERI KEWANGAN** menyatakan sebab-sebab mengapa mata wang negara Malaysia semakin merosot nilainya berbanding dolar Amerika dan apakah langkah-langkah yang diambil oleh kerajaan untuk memastikan kadar mata wang negara tidak terus menurun.

**JAWAPAN**

Tuan Yang di-Pertua,

1. Sehingga 31 Oktober 2018, nilai ringgit telah menyusut sebanyak 3.3% manakala nilai mata wang serantau yang lain telah menyusut sebanyak 1.6% hingga 10.8% berbanding dolar AS. Walau bagaimanapun, berbanding dengan mata wang serantau, prestasi ringgit adalah lebih stabil. Ringgit telah menambah nilai sebanyak 0.7% berbanding dolar Singapura, 4% berbanding peso Filipina dan 9.1% berbanding rupiah Indonesia bagi tempoh yang sama.
2. Faktor utama kejatuhan nilai ringgit serta mata wang serantau kebelakangan ini adalah akibat aliran keluar dana asing yang didorong oleh faktor-faktor luaran, antaranya:
  - a. ketidakstabilan pasaran dunia akibat risiko perang perdagangan (*trade war*) antara Amerika Syarikat – China;
  - b. kenaikan kadar faedah oleh bank pusat Amerika Syarikat menyebabkan pelabur menilai dan mengimbangi semula kedudukan portfolio mereka dalam pasaran kewangan “ekonomi sedang pesat membangun” (*emerging economies*); dan
  - c. kebimbangan mengenai risiko kesan penularan (*contagion effect*) dalam kalangan mata wang ekonomi sedang pesat membangun berikutan kejatuhan ketara peso Argentina dan lira Turki, yang telah menyusut nilai sebanyak 48.1% dan 32% masing-masing berbanding dengan dolar AS sehingga 31 Oktober 2018.

Tuan Yang di-Pertua,

3. Dalam keadaan pasaran kewangan global yang tidak menentu ini, kadar pertukaran ringgit yang fleksibel telah memainkan peranan yang penting sebagai penyerap kejutan luaran tanpa menjaskan aktiviti ekonomi domestik. Namun begitu, volatiliti ringgit yang ketara boleh menjaskan aktiviti ekonomi

berikut kesukaran sektor perniagaan dan perindustrian merancang strategi dan mengambil keputusan yang wajar. Oleh itu, Kerajaan akan sentiasa memastikan keadaan pasaran kewangan lebih lancar dan mengambil langkah proaktif dengan memperkenalkan langkah-langkah untuk memastikan kecairan yang mencukupi, pasaran yang berdaya tahan dan mengurangkan aktiviti spekulasi dalam pasaran.

4. Antara langkah-langkah tersebut adalah penetapan syarat supaya sebahagian besar hasil eksport dalam mata wang asing ditukar kepada ringgit. Langkah ini bertujuan menambahkan mudah tunai wang asing dalam pasaran dalam negeri dan peningkatan penguatkuasaan ke atas peraturan tukaran asing sedia ada bagi mencegah mata wang ringgit diniagakan di luar pesisir bagi mengekang aktiviti spekulasi.

5. Selain itu, dalam usaha untuk menstabilkan pasaran, kecairan telah disalurkan melalui penggunaan rizab antarabangsa Bank Negara Malaysia (BNM). Sehubungan itu, rizab antarabangsa BNM telah menunjukkan penyusutan sebanyak USD1.9 bilion, dari USD104.7 bilion kepada USD102.8 bilion, bagi tempoh akhir Jun 2018 hingga 15 Oktober 2018.

6. Walau bagaimanapun, penurunan rizab antarabangsa ini dijangka bagi tempoh sementara dan tidak berterusan. Dalam jangka masa panjang, paras rizab antarabangsa BNM dijangka disokong dengan pemuliharan kestabilan pasaran dunia, penambahbaikan sentimen pelabur dan lebihan akaun semasa negara yang kekal positif. Pada 15 Oktober 2018, paras rizab antarabangsa yang berjumlah USD102.8 bilion ini memadai untuk membiayai 7.3 bulan import tertangguh dan 0.9 kali hutang luar negeri jangka pendek.

Tuan Yang di-Pertua,

7. Liberalisasi progresif peraturan pentadbiran tukaran asing juga menghasilkan lebih banyak rizab yang tidak berpusat. Perkara ini dicerminkan dalam peningkatan pemerolehan aset di luar negara oleh bank dan korporat

pemastautin. Secara khususnya, bank dan korporat pemastautin memegang tiga perempat daripada aset luar negeri Malaysia yang boleh digunakan untuk memenuhi obligasi hutang luar negeri tanpa membuat sebarang tuntutan ke atas rizab antarabangsa BNM.

8. Dalam jangka masa panjang, nilai ringgit akan didorong terutamanya oleh kekuatan asas ekonomi negara. Sehubungan itu, Malaysia perlu menumpukan usaha untuk meningkatkan daya tahan ekonomi dengan mempelbagaikan sumber ekonomi, memperkuatkan daya saing ekonomi dan kedudukan fiskal negara. Dengan ini, prestasi ringgit, rizab negara dan pasaran modal akan terus meningkat seiring dengan pengukuhan asas ekonomi negara dan pasaran kewangan global.

**PEMBERITAHUAN PERTANYAAN**  
**MESYUARAT KEDUA, PENGGAL PERTAMA,**  
**PARLIMEN KEEMPAT BELAS,**  
**DEWAN RAKYAT**

**PERTANYAAN : LISAN**

**DARIPADA : DATO' TUAN IBRAHIM BIN TUAN  
MAN [KUBANG KERIAN]**

**TARIKH : 12 NOVEMBER 2018**

**SOALAN : 30**

**Dato' Tuan Ibrahim Bin Tuan Man [Kubang Kerian]**  
minta **PERDANA MENTERI** menyatakan senarai penuh  
lantikan politik di setiap Kementerian, GLC dan agensi di  
bawahnya beserta gred gaji dan kelulusan akademik  
setiap calon yang dilantik.

**JAWAPAN: YB DATUK LIEW VUI KEONG**  
**MENTERI DI JABATAN PERDANA MENTERI**

Tuan Yang di-Pertua,

Untuk makluman Ahli Yang Berhormat, sehingga 5 Oktober 2018, **seramai 191 pegawai lantikan politik** telah diluluskan oleh Kerajaan untuk mengisi perjawatan sedia ada yang telah ditetapkan bagi Pejabat Menteri dan Timbalan Menteri di setiap Kementerian.

Bagi barisan kepimpinan tertinggi di Syarikat Berkaitan Kerajaan (GLC) termasuk Ahli Lembaga Pengarah (ALP) adalah dilantik berdasarkan kepada kemampuan serta kepakaran masing-masing dan mengambil kira keperluan GLC itu sendiri bagi membolehkan Lembaga Pengarah GLC berkenaan beroperasi pada tahap yang optimum.

Di bawah Teras 2 manifesto Kerajaan Pakatan Harapan iaitu Mereformasikan Institusi Pentadbiran dan Politik, lantikan politik atau kronisme tidak lagi diamalkan. Secara amnya, pelantikan Ahli Lembaga Pengarah dan pengurusan Syarikat Berkaitan Kerajaan (GLC) terdiri daripada individu yang berintegriti dan berkaliber serta dipilih berdasarkan merit serta kepakaran masing-masing yang bersesuaian dan relevan dengan keperluan semasa dan aspirasi GLC berkenaan, tanpa mengira latar belakang politik. Semua ALP tidak dibayar gaji tetapi hanya dibayar elauan sebagai imbuhan.

Sehubungan dengan itu, ALP lantikan politik yang masih belum meletakkan jawatan dalam syarikat Menteri Kewangan Diperbadankan (MKD) sehingga 31 Oktober 2018 adalah seramai tiga orang seperti berikut:

Bil	Syarikat	Nama ALP	Jawatan Dalam Lembaga Pengarah
1.	Halal Industry Development Corporation Sdn Bhd (HDC)	Datuk Seri Rizuan Ab Hamid	Pengerusi Bukan Eksekutif
		YB Senator Dato' Shahanim Binti Mohamad Yusoff	ALP Bebas Bukan Eksekutif
2.	Indah Water Konsortium Sdn Bhd (IWK)	Datuk Affendi Zahari	ALP Bebas Bukan Eksekutif

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL PERTAMA,  
PARLIMEN KEEMPAT BELAS**

---

**PERTANYAAN : LISAN**  
**DARIPADA : Y.B. DATUK SERI TAJUDDIN ABDUL RAHMAN**  
**[PASIR SALAK]**  
**TARIKH : 12 NOVEMBER 2018 (ISNIN)**

**SOALAN NO. 31**

**Y.B. DATUK SERI TAJUDDIN ABDUL RAHMAN [ PASIR SALAK ]** minta **MENTERI KEWANGAN** menyatakan jadual bayaran balik hutang-hutang Kerajaan kepada pihak yang memberi pinjaman daripada sumber dalam dan luar negara.

**JAWAPAN**

Tuan Yang di-Pertua,

1. Kedudukan jumlah hutang Kerajaan Persekutuan pada akhir Jun 2018 adalah sebanyak RM725.2 bilion atau 50.7%, kekal di bawah paras 55% daripada Keluaran Dalam Negeri Kasar (KDNK). Daripada jumlah berkenaan, 97.1% atau RM704.1 bilion adalah hutang domestik (49.2% daripada KDNK). Sementara itu, baki 2.9% daripada jumlah hutang Kerajaan Persekutuan atau RM21.1 bilion (1.5% daripada KDNK) merupakan pinjaman luar pesisir.
2. Berdasarkan profil kematangan hutang Kerajaan Persekutuan setelah mengambil kira semua terbitan dalam 2018, tahun terakhir di mana hutang sedia ada akan matang adalah pada 2048 sekiranya Kerajaan Persekutuan tidak membuat sebarang pinjaman baru pada masa hadapan.
3. Bagi 2018, jumlah bayaran balik hutang Sekuriti Kerajaan Malaysia (MGS) dan Terbitan Pelaburan Kerajaan Malaysia (MGII) yang matang adalah RM60.8 bilion. Daripada jumlah ini, sebanyak RM18.5 bilion hutang yang matang telah dibayar pada suku tahun pertama 2018, RM7.5 bilion pada suku tahun kedua dan RM20.3 bilion pada suku tahun ketiga. Baki hutang yang akan matang dan perlu dibayar pada suku tahun keempat pula berjumlah RM14.5 bilion.
4. Kerajaan Persekutuan membuat pinjaman bagi membiayai semula hutang yang matang dan menampung perbelanjaan pembangunan. Sekiranya kedudukan kewangan Kerajaan Persekutuan mempunyai lebihan (*surplus*) yang mencukupi untuk membiayai hutang dan perbelanjaan pembangunan, Kerajaan Persekutuan tidak lagi perlu membuat pinjaman.
5. Secara keseluruhannya, pada akhir Jun 2018, hutang dan liabiliti Kerajaan Persekutuan berjumlah RM1,065.9 bilion atau 74.5% daripada KDNK. Jumlah ini telah mengambil kira hutang Kerajaan Persekutuan sebanyak RM725.2 bilion atau 50.7% daripada KDNK, jaminan yang ditanggung Kerajaan berjumlah

RM117.5 bilion (8.2%), hutang bersih 1MDB sebanyak RM38.3 bilion (2.7%) dan liabiliti lain berjumlah RM184.9 bilion (12.9%). Ini diambil kira sebagai hutang Persekutuan kerana kerajaan sudah mulai buat pembayaran balik ke atas jaminan dan liabiliti berikutan kegagalan peminjam utama untuk membuat bayaran. Dengan kata lain, daripada penjamin kerajaan sudah menjadi peminjam utama.

6. Kerajaan sentiasa memastikan hutang yang dibuat adalah mengikut kapasiti kedudukan kewangan Kerajaan iaitu keupayaan membayar kadar faedah dan pokok. Antara langkah yang dilaksanakan ialah memastikan bayaran balik hutang iaitu bayaran pokok serta bayaran kupon bagi bon dan sukuk Kerajaan dibuat mengikut tempoh masa yang ditetapkan. Sehingga kini, Kerajaan tidak pernah gagal untuk membiayai bayaran khidmat hutang.

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL PERTAMA,  
PARLIMEN KEEMPAT BELAS**

---

**PERTANYAAN : LISAN**  
**DARIPADA : TUAN HAJI AWANG BIN HASHIM**  
**[PENDANG]**  
**TARIKH : 12 NOVEMBER 2018 (ISNIN)**

**SOALAN NO. 36**

Minta **MENTERI KESIHATAN** menyatakan apakah halangan dan kekangan yang dihadapi sehingga melewatkannya atau kegagalan pembinaan Hospital Pendang.

**JAWAPAN**

**Yang di-Pertua,**

Projek pembinaan Hospital Pendang, Kedah telah memulakan kerja pembinaan yang mana tarikh masuk tapak projek ialah pada **7 Mei 2018** dan dijangka siap pada **1 November 2021**. Prestasi kemajuan fizikal projek ini sehingga 26 September 2018 sebanyak **1.27% sebenar** berbanding **2.04% jadual**. Pada masa ini, kerja-kerja pembersihan tapak pembinaan telah pun selesai dan susun atur luaran dan dalaman hospital ini telah disediakan oleh pihak kontraktor serta telah disemak oleh pihak JKR dan Kementerian Kesihatan Malaysia (KKM).

**PEMBERITAHUAN PERTANYAAN DEWAN RAKYAT**

**PERTANYAAN : LISAN**

**DARIPADA : YB TUAN AHMAD BIN HASSAN [PAPAR]**

**TARIKH : 12 NOVEMBER 2018**

**SOALAN : NO. 33**

**YB TUAN AHMAD BIN HASSAN [PAPAR]** minta **PERDANA MENTERI** menyatakan adakah pihak Kerajaan akan meneruskan semua projek Persekutuan yang telah dibekukan di kawasan Parlimen wakil-wakil rakyat dan projek-projek tersebut dipantau oleh Unit Penyelarasian Pelaksanaan Jabatan Perdana Menteri (ICU JPM) serta wakil-wakil rakyat yang terlibat.

**JAWAPAN: YB DATUK WIRA DR. MD FARID BIN MD RAFIK  
TIMBALAN MENTERI DI JABATAN PERDANA MENTERI**

---

Tuan Yang Di Pertua,

Dimaklumkan bahawa Unit Perancang Ekonomi (UPE) melalui surat edaran kepada semua kementerian bertarikh 7 Jun 2018 memaklumkan bahawa, UPE memutuskan projek-projek pembangunan yang belum dikeluarkan Surat Setuju Terima (SST) akan ditangguhkan atau dibatalkan pelaksanaannya pada tahun ini. Selain itu, UPE juga bersetuju untuk menyekat baki peruntukan projek-projek yang belum disalurkan sepenuhnya kepada agensi pelaksana. Kementerian Kewangan akan menyelaraskan penyekatan peruntukan bagi projek yang terlibat dengan kementerian. Sekiranya projek-projek ini ingin dilaksanakan pada tahun hadapan kerana melibatkan aspek keselamatan, nyawa, kesihatan dan bersifat “*people centric*”, pihak kementerian boleh memohon semula untuk dilaksanakan dalam tahun 2019 dan mengemukakan senarai tersebut kepada UPE.

Berdasarkan Arahan No. 1 Majlis Tindakan Negara, platform yang melibatkan Ahli Parlimen dan Ahli Dewan Undangan Negeri telah diwujudkan menerusi Jawatankuasa Kerja Tindakan Daerah (JKTD) atau Jawatankuasa Kerja Tindakan Bahagian (JKTB). Sehubungan dengan itu, platform sedia ada boleh dimanfaatkan oleh wakil rakyat bersama-sama ICU JPM dalam memantau pelaksanaan projek-projek pembangunan di bawah RMKe-11.

**PEMBERITAHU PERTANYAAN LISAN DEWAN RAKYAT  
MESYUARAT KEDUA, PENGGAL PERTAMA  
PARLIMEN KEEMPAT BELAS**

---

**PERTANYAAN : LISAN**

**DARIPADA : DATO' HAJI CHE ABDULLAH BIN MAT NAWI  
[TUMPAT]**

**TARIKH : 12 NOVEMBER 2018 (ISNIN)**

**SOALAN NO. 34**

Minta **MENTERI PENDIDIKAN** menyatakan untuk memperhalusi polisi Memartabatkan Bahasa Melayu & Memperkuuh Bahasa Inggeris (MBMMBI) kerana lebih dilihat cenderung mengangkat nilai Bahasa Inggeris berbanding Bahasa Melayu.

**JAWAPAN**

Yang di-Pertua,

Untuk makluman Ahli Yang Berhormat, di bawah Dasar Memartabatkan Bahasa Malaysia Memperkuuh Bahasa Inggeris (MBMMBI) Kementerian Pendidikan Malaysia (KPM) memberikan keutamaan yang sama antara bahasa Melayu dan bahasa Inggeris. Malahan Kerajaan Pakatan Harapan komited memperkuuh kedudukan bahasa Melayu dalam sistem pendidikan dan pentadbiran awam sejajar dengan Perkara 152 Perlembagaan Persekutuan dan memperluaskan bahasa Melayu sebagai bahasa ilmu dan *lingua franca* serantau.

Selain daripada Dasar MBMMBI, KPM terus mengambil langkah memperkuuh kedudukan bahasa Melayu dalam sistem pendidikan melalui usaha seperti berikut:

1. Penyediaan Pelan Hala Tuju Memartabatkan Pendidikan Bahasa Melayu 2016-2025;
2. Pelaksanaan Kurikulum Mata Pelajaran Bahasa Melayu persekolahan peringkat rendah dan menengah turut menyokong ke arah menjaga dan memartabatkan bahasa Melayu;
3. Penggubalan Kerangka Standard Bahasa Melayu (KSBM) untuk menyetarakan penguasaan dan pemerolehan bahasa Melayu dalam kalangan penutur. KSBM digunakan sebagai sandaran untuk membina instrumen kompetensi penguasaan bahasa Melayu bukan sahaja dalam bidang pendidikan tetapi juga dalam semua jenis bidang pekerjaan.

Pelan Hala Tuju Memartabatkan Bahasa Melayu 2016-2025 menyenaraikan sembilan (9) strategi pelaksanaan seperti berikut:

1. Memperkasakan Bahasa Melayu Melalui Kurikulum di Semua Sekolah.
2. Memperkasakan Kesusastraan Melayu.
3. Memperkasakan Pentaksiran Bahasa Melayu.
4. Memperkuuh Penggunaan Bahasa Melayu Dalam Kokurikulum.

## **SOALAN NO. 34**

5. Meningkatkan Keterampilan Berbahasa Guru Bahasa Melayu.
6. Menginstitusikan Institut Pendidikan Guru Kampus Bahasa Melayu Sebagai Peneraju Kecemerlangan Guru Bahasa Melayu.
7. Memperluas Jalinan dan Jaringan Dengan Semua Pihak Luar.
8. Meningkatkan Publisiti Penggunaan Bahasa Melayu Standard.
9. Memperkayakan Khazanah Ilmu BM Melalui Penyelidikan dan Inovasi.

Sekian, terima kasih.

RJM87

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL PERTAMA,  
PARLIMEN KEEMPAT BELAS**

---

**PERTANYAAN : LISAN**  
**DARIPADA : Y.B. DATO' SRI MUSTAPA BIN MOHAMED**  
**[JELI]**  
**TARIKH : 12 NOVEMBER 2018 (ISNIN)**

**SOALAN NO. 35**

**Y.B. DATO' SRI MUSTAPA BIN MOHAMED [ JELI ]** minta **MENTERI KEWANGAN** menyatakan jumlah hutang 1MDB yang belum dibayar dan bilakah Kerajaan menjangkakan akan melangsakan hutang ini sepenuhnya. Nyatakan jurang antara jumlah antara aset dan liabiliti yang perlu ditanggung oleh Kerajaan.

**JAWAPAN**

Tuan Yang Dipertua,

Untuk makluman Dewan yang mulia, pihak pengurusan 1Malaysia Development Bhd (1MDB) kini sedang mengemas kini akaun syarikat sehingga 30 Jun 2018 di mana satu audit interim akan dilaksanakan bagi tempoh dari 1 April 2018 hingga 30 Jun 2018. Ini penting bagi menentukan kedudukan sebenar aset dan liabiliti 1MDB.

Namun begitu, secara amnya, aset utama yang masih dimiliki oleh 1MDB pada masa ini ialah tanah Pulau Indah di Klang, Selangor yang berkeluasan kira-kira 318.42 ekar. Manakala hutang yang masih belum dilunaskan oleh 1MDB setakat 31 Oktober 2018 adalah seperti berikut (tidak termasuk RM7.7 bilion yang telah dibayar oleh Kerajaan Persekutuan):

Bil.	Hutang	Tarikh Bayaran Faedah	Jumlah Prinsipal (RM Million) USD1=RM4.15	Jumlah Faedah (RM Million) USD1=RM4.15	Jumlah Keseluruhan (RM Million) USD1=RM4.15
1.	Sukuk IMTN terbitan 1MDB (P:RM5b, i:5.75%, M: 2039)	Mei & Nov	5,000	6,037.5	11,037.5
2.	Bon terbitan 1MDB Global Investment Ltd (P:USD3b, i:4.4%, M:2023)	Mac & Sept	12,450	2,465	14,915
3.	Bon terbitan 1MDB Energy (Langat) Ltd (P:USD1.75b, i:5.75%, M:2022)	April & Okt	7,262.5	1,670.5	8,933
4.	Bon terbitan 1MDB Energy Ltd (P:USD1.75b, i:5.99%, M:2022)	Mei & Nov	7,262.5	1,740	9,002.5
<b>Jumlah</b>			<b>31,975</b>	<b>11,913</b>	<b>43,888</b>

**Nota:**

P : Prinsipal

i : Faedah

M : Tahun matang

**MESYUARAT KEDUA, PENGGAL PERTAMA,  
PARLIMEN KEEMPAT BELAS  
PEMBERITAHUAN PERTANYAAN  
DEWAN RAKYAT MALAYSIA**

---

**PERTANYAAN : JAWAB LISAN**

**DARIPADA : DATUK ABD RAHIM BIN BAKRI [  
KUDAT ]**

**TARIKH : 12 NOVEMBER 2018 (ISNIN)**

minta **MENTERI PEMBANGUNAN LUAR BANDAR** menyatakan apakah status terkini projek-projek bekalan air dan elektrik luar bandar khususnya di kawasan Parlimen Kudat dan apakah perancangan Kementerian pada masa hadapan untuk menyelesaikan masalah bekalan air dan elektrik luar bandar yang masih belum mendapat kemudahan ini khususnya di kawasan Parlimen Kudat.

**JAWAPAN**

Tuan Yang Di-Pertua,

Untuk makluman Yang Berhormat, bagi Parlimen Kudat, sepanjang tempoh RMKe-11 (2016 – 2018), Kementerian sedang melaksanakan projek bekalan elektrik secara talian grid dengan anggaran kos keseluruhan berjumlah RM18.5 juta. Projek ini akan memberi manfaat kepada 571 buah rumah dan dijangka akan siap sepenuhnya pada November 2018.

Manakala, bagi projek Bekalan Air Luar Bandar (BALB) di bawah RMKe-11, Kementerian ini mempunyai sebanyak enam (6) buah projek yang dilaksanakan di Parlimen Kudat dengan jumlah peruntukan sebanyak RM221.9 juta.

Satu (1) daripada projek-projek tersebut sedang dilaksanakan dan dijangka siap pada 11 Julai 2019 iaitu:

- i. Projek Bekalan Air Luar Bandar (BALB) Sistem Retikulasi Negeri Sabah Zon 10 – Daerah Kudat (RM11.3 juta).

Tiga (3) daripadanya telah sedia untuk ditender dan kerja-kerja pembinaan akan bermula pada suku pertama tahun 2019 iaitu:

- i. Projek Pembinaan Loji Rawatan Air Ke-2 Pitas, Sabah (RM52 juta);
- ii. Projek Bekalan Air Luar Bandar (BALB) Ke Kg. Suangpai, Kudat, Sabah (RM11.3 juta);
- iii. Projek Bekalan Air Luar Bandar Kg. Limau-Limauan, Kudat, Sabah (RM23.3 juta).

Manakala dua (2) buah projek lagi masih di peringkat lantikan perunding dan dijangka selesai pada suku pertama tahun 2019 iaitu:

- i. Projek Bekalan Air Luar Bandar (BALB) Menaiktaraf Loji Rawatan Air Kanibongan, Sabah (RM13 juta);
- ii. Projek Bekalan Air Luar Bandar (BALB) Sistem Agihan dan Retikulasi Daerah Pitas, Sabah (RM111 juta).

Untuk makluman Yang Berhormat juga, bagi perancangan masa hadapan, Kementerian ini akan terus bekerjasama dengan Kerajaan Negeri Sabah terutamanya Unit Perancang Ekonomi Negeri (UPEN) Sabah, Kementerian Pembangunan Infrastruktur (KPI) Sabah, Kementerian Pembangunan Luar Bandar (KPLB) Sabah, Jabatan Air Negeri Sabah (JANS), Sabah Electricity Sdn. Bhd. (SESB) dan Pejabat Daerah bagi mengenalpasti kawasan yang belum mendapat bekalan air terawat serta bekalan elektrik dan memastikan masyarakat luar bandar di Kudat menikmati kemudahan asas ini.

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL PERTAMA,  
PARLIMEN KEEMPAT BELAS**

---

**PERTANYAAN : LISAN**

**DARIPADA : DATO' SRI HAJAH ROHANI BINTI  
HAJI ABDUL KARIM  
[ BATANG LUPAR ]**

**TARIKH : 12 NOVEMBER 2018 (ISNIN)**

**SOALAN NO. 37**

Minta **MENTERI PERTANIAN DAN INDUSTRI ASAS TANI** menyatakan mengenai rancangan terkini industri nanas di negara ini. Bagaimana untuk mendapatkan penyertaan dari negeri lain khasnya Sarawak untuk sama-sama dapat membekalkan nanas yang diperlukan bermutu tinggi. Apakah insentif yang diberikan kepada pengusaha nanas.

**JAWAPAN**

**Tuan Yang di-Pertua,**

Kementerian Pertanian dan Industri Asas Tani melalui agensi Lembaga Perindustrian Nanas Malaysia (LPNM) telah merangka strategi pemerkasaan pembangunan industri nanas negara sehingga tahun 2020. Melalui Rancangan Malaysia Kesebelas (RMKe-11), pihak Kementerian telah memberi fokus kepada pembangunan industri nanas negara dengan membangunkan kawasan-kawasan tanaman nanas varieti premium iaitu Nanas MD2. Fokus kepada varieti premium yang bernilai tinggi dan mendapat permintaan yang sangat tinggi di pasaran dunia membolehkan industri nanas negara terus berdaya saing di peringkat global. Selaras dengan sasaran yang ditetapkan

dalam Dasar Agromakanan Negara (DAN), pengukuhan perancangan pembangunan tanaman nanas premium memerlukan lebih daripada 7,700 ha kawasan baru untuk perkembangan nanas premium MD2 sehingga tahun 2020.

Pihak Kementerian melalui LPNM sentiasa bekerjasama dengan pihak berkuasa negeri dalam menjayakan agenda pembangunan industri nanas negara. Pengwujudan LPNM di Sarawak sejak tahun 2010 adalah merupakan komitmen Kementerian untuk memastikan peruntukan pembangunan industri nanas negara turut diterima negeri-negeri lain selain di Semenanjung Malaysia. Pelbagai bentuk bantuan dan insentif penanaman nanas telah menarik minat pengusaha-pengusaha nanas terutamanya di negeri Sarawak. Berdasarkan statistik penanaman nanas Malaysia tahun 2017, keluasan tanaman nanas di Malaysia adalah berjumlah 13,433 ha. Keluasan tanaman nanas di Sarawak adalah sebanyak 1,342.32 atau 9% daripada keseluruhan kawasan tanaman nanas Malaysia dan melibatkan sejumlah 311 orang peserta yang menerima manfaat.

Kerajaan melalui LPNM juga telah menyediakan pelbagai jenis bantuan dan insentif yang bersesuaian mengikut kluster projek tanaman nanas. Bantuan atau insentif yang diberikan kepada pengusaha adalah seperti berikut :-

1. Bantuan Bahan Tanaman (Anak Benih/Sulur Nanas)
2. Bantuan Input Pertanian (Baja/Racun/Hormon)
3. Bantuan Infrastruktur Asas Ladang
4. Bantuan Infrastruktur Asas Pemasaran
5. Bantuan Mekanisasi dan Automasi Ladang
6. Bantuan Khidmat Nasihat dan Teknikal Tanaman

**PEMBERITAHUAN PERTANYAAN**  
**DEWAN RAKYAT MALAYSIA**  
**MESYUARAT KEDUA, PENGGAL PERTAMA**

**PERTANYAAN** : **LISAN**  
**DARIPADA** : **DATO' SERI MAHDZIR BIN KHALID**  
**KAWASAN** : **PADANG TERAP**  
**TARIKH** : **12 NOVEMBER 2018**

**SOALAN**

**Dato' Seri Mahdzir bin Khalid [ Padang Terap ]** minta **MENTERI PERDAGANGAN ANTARABANGSA DAN INDUSTRI** menyatakan memperincikan impak perang perdagangan di antara Amerika Syarikat (AS) dan China (RRC) ke atas ekonomi negara dan apakah rangka strategik Kerajaan di dalam memastikan ekonomi negara tidak terjejas kesan daripada perang perdagangan terbabit.

**JAWAPAN**

Tuan Yang Dipertua,

1. Bagi tempoh Januari hingga Ogos 2018, nilai dagangan Malaysia berkembang sebanyak 6% kepada RM1.2 trillion berbanding dengan tempoh yang sama pada tahun 2017. Ini disumbang oleh nilai eksport melalui peningkatan sebanyak 6.3% kepada RM650.6 billion, manakala nilai import pula agak perlahan pada kadar 5.6% kepada RM580.1 billion. Bagi tempoh ini, Malaysia mencatatkan lebihan dagangan sebanyak RM70.5 billion iaitu peningkatan sebanyak 11.9%.
2. Bagi perdagangan dua hala pula, nilai dagangan dengan RRC bagi 8 bulan pertama 2018 berkembang 9.6% kepada RM206.19 bilion berbanding tempoh yang sama tahun lepas. Eksport ke RRC mengukuh sebanyak 11% kepada RM89.31 bilion.
3. Bagi dagangan dua hala dengan Amerika Syarikat, bagi tempoh Januari – Ogos 2018, nilai dagangan adalah sebanyak RM101.50 bilion, menurun sebanyak 1.5% berbanding tempoh yang sama pada tahun 2017. Walaubagaimanapun, eksport Malaysia ke AS meningkat sebanyak 1.2% kepada RM59.18 bilion manakala import dari AS menurun 5% kepada RM42.32 bilion.

Tuan Yang Dipertua,

4. Bagi prestasi pelaburan pula, secara dasarnya, Malaysia sentiasa menjadi antara destinasi pelaburan utama bagi pelabur-pelabur asing. Kedudukan Malaysia yang strategik serta persekitaran perniagaan yang kondusif menyebabkan Malaysia terus dilihat sebagai sebuah negara yang kompetitif dan berdaya saing.
5. Setakat suku kedua 2018, kedudukan pelaburan langsung asing (FDI Stock) [dengan izin] telah direkodkan sebanyak RM590 juta. Ini

merupakan peningkatan sebanyak 6%, berbanding tempoh yang sama tahun lalu.

6. Daripada petunjuk-petunjuk ini, kita melihat kesan-kesan ketegangan perdagangan antara Amerika Syarikat dan China kepada Malaysia masih di tahap terkawal dengan pertumbuhan perdagangan yang kekal positif.
7. Walau bagaimanapun, kita tidak harus berasa selesa dengan keadaan ini kerana jika keadaan konflik ini berlarutan, impak jangka panjang mungkin akan menjadikan perdagangan Malaysia dan keadaan ekonomi secara amnya.

Tuan Yang Dipertua,

8. Disebabkan ketidaktentuan konflik perdagangan ini, Pertubuhan Perdagangan Dunia (*World Trade Organisation*) [dengan izin] telah menilai semula unjuran pertumbuhan perdagangan dunia dari 3.9% pada tahun 2018 kepada 3.7% pada tahun 2019. Begitu juga dengan Tabung Kewangan Antarabangsa (IMF), di mana mengunjurkan bahawa pertumbuhan GDP akan menguncup dari 3.9% kepada 3.7% pada tahun 2018.
9. Selain dari kerisauan ke atas penguncupan nilai dagangan dan pertumbuhan ekonomi, terdapat jangkaan kesan positif pada rantau Asia di mana syarikat-syarikat besar atau MNC di Amerika Syarikat atau RRC dan akan mula berfikir untuk menukar lokasi pengeluaran dan strategi perniagaan bagi mengelak dari terkesan secara langsung dengan tarif yang dikenakan oleh AS ke atas RRC. Akibat kenaikan cukai import di Amerika Syarikat dan China akan secara langsung meningkatkan harga barang import dan juga kos. Ini secara tidak langsung akan menggalakkan pengaliran masuk pelaburan ke negara-negara lain seperti Asia, khususnya di sekitar negara-negara ASEAN.

10. Dewan Perniagaan Amerika Syarikat (AmCham) di China misalnya, telah melaksanakan kaji selidik ke atas 430 syarikat Amerika Syarikat di China dan mendapati bahawa 30.9% dari mereka bersedia untuk mendapatkan komponen atau membuat pemasangan produk-produk mereka di luar negara China. Satu pertiga dari mereka mengatakan destinasi pilihan adalah Asia Tenggara. Ini adalah peluang. Jika kita tidak melihat ini sebagai suatu yang baik, negara-negara jiran kita akan merebut peluang ini dan kita akan ketinggalan.

Tuan Yang Dipertua,

11. Tidak dinafikan bahawa perang perdagangan yang sedang berlaku di antara AS dan RRC telah mengundang kerisauan terhadap pengeluar-pengeluar domestik dan para pelabur yang menjalankan aktiviti mereka di Malaysia. Kerajaan Malaysia tidak mengambil ringan atas kebimbangan tersebut dan telah mengambil langkah awal dengan menubuhkan Pasukan Petugas Khas Konflik Perdagangan Amerika Syarikat-China atau dengan izin, *US-China Taskforce on Trade Conflict* pada Julai 2018.

12. Pasukan petugas khas ini ditubuhkan dengan tujuan untuk memantau dan menangani perkembangan konflik perdagangan Amerika Syarikat-China dan juga tindak balas dari negara-negara lain. Selain daripada itu, pasukan ini juga bertindak sebagai platform bagi pihak berkepentingan untuk mengemukakan pandangan, komen dan maklumbalas mengenai konflik ini.

13. Pasukan Petugas Konflik Perdagangan Amerika Syarikat-China kini sedang dalam proses menjalankan soal selidik bersama-sama industri bagi mendapatkan maklum balas dalam merumuskan strategi untuk menangani konflik perdagangan Malaysia.

14. Selain itu, pada Perhimpunan Agong PBB yang ke-73 yang diadakan pada 28 September 2018, YAB Perdana Menteri juga telah

menyatakan pendirian Malaysia yang tidak menyokong perang dagang ini kerana ia akan menjaskan banyak pihak. Pada masa yang sama, YAB Perdana Menteri telah berjumpa dengan komuniti perniagaan Amerika Syarikat untuk berkongsi hala tuju kerajaan baharu bagi dasar perdagangan dan pelaburan negara. Perjumpaan ini berjaya memberi keyakinan bahawa kerajaan baharu adalah pro-perdagangan dan pro-pelaburan.

Tuan Yang Dipertua,

15. Bagi meningkatkan lagi eksport negara, Agensi Promosi Perdagangan Kebangsaan Malaysia (MATRADE) telah mengenalpasti beberapa kategori produk berpotensi untuk pasaran Amerika Syarikat dan China. Antara kategori produk tersebut adalah E&E, kelengkapan mesin, produk optikal dan saintifik, produk petroleum, dan juga kimia. Bagi negara China misalnya, pengurangan import kacang soya dari Amerika Syarikat akan membuka jalan bagi peningkatan eksport minyak sawit Malaysia ke pasaran China.
16. Kita sentiasa melaksanakan interaksi berterusan di antara MITI dan komuniti perniagaan seperti *American-Malaysian Chamber of Commerce*, *US-ASEAN Business Council* dan *US Chamber and Commerce* **[dengan izin]** menggambarkan komitmen dan keyakinan mereka, terutamanya dalam mengembangkan pelaburan sedia ada di Malaysia. Malah, delegasi *US-ASEAN Business Council* telah melawat Malaysia pada 16-18 Oktober 2018 untuk meneroka peluang pelaburan serta bertemu dengan beberapa kementerian dan agensi kerajaan, termasuk dengan MITI. MITI yakin pertemuan dan perbincangan terbuka seperti ini adalah penting untuk menambah baik persekitaran perniagaan dan meninjau peluang kerjasama dalam sektor-sektor berkepentingan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL PERTAMA,  
PARLIMEN KEEMPAT BELAS**

---

**PERTANYAAN : LISAN**  
**DARIPADA : TUAN SHAHARIZUKIRNAIN BIN**  
**ABD. KADIR [SETIU]**  
**TARIKH : 12 NOVEMBER 2018 (ISNIN)**

**SOALAN NO. 39**

Minta **MENTERI PERTANIAN DAN INDUSTRI ASAS TANI** menyatakan apakah tindakan Kementerian bagi memastikan pendapatan golongan B40 di kalangan nelayan tidak terjejas semasa musim tengkujuh.

**JAWAPAN**

Yang di-Pertua,

Untuk makluman Ahli Yang Berhormat, bagi memastikan pendapatan golongan B40 di kalangan nelayan tidak terjejas semasa musim tengkujuh, Kementerian melalui jabatan dan agensi di bawahnya telah melaksanakan beberapa program seperti berikut:

- (i) Program *touch point* azam tani yang menyediakan bantuan premis dan infrastruktur, mesin pemprosesan serta benih ternakan dan tanaman;
- (ii) Bantuan program *touch point* akuakultur melalui ternakan ikan dalam sangkar bagi menjana pendapatan sampingan nelayan;
- (iii) Program pembangunan usahawan bimbingan dalam industri pemprosesan asas tani berdasarkan produk perikanan; dan
- (iv) Kelulusan khas kebenaran menunda di kawasan 2 batu nautika dan ke atas dari pantai pada musim tengkujuh di negeri Pahang dan Terengganu.

Sekian, terima kasih.

**SOALAN NO. 40**

**PEMBERITAHUAN PERTANYAAN DEWAN RAKYAT**

**PERTANYAAN :** LISAN

**DARIPADA :** YB PUAN HAJAH SITI ZAILAH BINTI MOHD  
YUSOFF  
[RANTAU PANJANG]

**TARIKH :** 12 NOVEMBER 2018

**SOALAN :** NO. 40

**YB PUAN HAJAH SITI ZAILAH BINTI MOHD YUSOFF [RANTAU PANJANG]** minta **PERDANA MENTERI** menyatakan apakah fungsi dan justifikasi penubuhan Majlis Tindakan Pembangunan Negeri Kelantan sedangkan peruntukan boleh disalurkan terus kepada Kerajaan Negeri yang dipilih oleh rakyat secara demokrasi.

**JAWAPAN: YB DATUK WIRA DR. MD FARID BIN MD RAFIK  
TIMBALAN MENTERI DI JABATAN PERDANA MENTERI**

---

Tuan Yang di-Pertua,

Majlis Tindakan Persekutuan Negeri (MTPNg) adalah badan utama yang bertanggungjawab memastikan keputusan Majlis Tindakan Negara yang dipengerusikan YAB Perdana Menteri di peringkat Persekutuan dilaksanakan di peringkat negeri. MTPNg juga berfungsi untuk menyelaras, memantau, menilai serta menentukan strategi pelaksanaan projek/program pembangunan Persekutuan di peringkat negeri dengan memberi penekanan kepada nilai untuk wang, keberhasilan dan *outcome* sesuatu projek/program agar seimbang dan menepati dasar-dasar Kerajaan.

Semua projek/program yang melibatkan peruntukan Kerajaan Persekutuan diselaraskan oleh Jabatan Pembangunan Persekutuan (JPP) Kelantan, yang merupakan sebuah agensi pusat di bawah Unit Penyelarasaran Pelaksanaan, Jabatan Perdana Menteri (ICU JPM). Ini adalah bagi memastikan agenda pembangunan Kerajaan Persekutuan dilaksanakan sepenuhnya agar tiada kelompok rakyat Kelantan yang dipinggirkan daripada arus pembangunan.

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT KEDUA, PENGGAL PERTAMA,  
PARLIMEN KEEMPATBELAS**

---

**PERTANYAAN : LISAN**

**DARIPADA : YB TUAN HASANUDDIN B. MOHD YUNUS  
(HULU LANGAT)**

**TARIKH : 12 NOVEMBER 2018**

**RUJUKAN : 11210**

**SOALAN :**

**Tuan Hasanuddin b. Mohd Yunus [ Hulu Langat ] minta MENTERI DALAM NEGERI menjelaskan apakah mekanisme terbaik untuk menyelesaikan masalah ketiadaan sijil kelahiran dalam kalangan kanak-kanak di Sarawak.**

**JAWAPAN:**

Tuan Yang di-Pertua,

Berdasarkan kepada Seksyen 7(2) Akta Pendaftaran Kelahiran dan Kematian 1957 (Akta 299), orang yang layak untuk melaporkan kelahiran adalah ibu/bapa kanak-kanak, penduduk rumah di mana kanak-kanak itu pada pengetahuan penduduk itu dilahirkan, mana-mana orang yang ada ketika kelahiran itu, dan mana-mana orang yang menjaga kanak-kanak itu. Sehubungan dengan itu, sesiapa yang mengetahui kelahiran boleh melaporkan kelahiran tersebut di Pejabat JPN dengan mengemukakan dokumen asal dan salinan iaitu dokumen pengenalan diri ibu bapa, dokumen berkaitan pengesahan kelahiran, buku rawatan ibu semasa mengandung, dan dokumen perkahwinan ibu bapa kanak-kanak.

Selain daripada itu, Kementerian Dalam Negeri (KDN) melalui Jabatan Pendaftaran Negara (JPN) sentiasa mengambil langkah proaktif dalam memastikan pendaftaran sijil kelahiran serta dokumen pengenalan diri bagi individu yang berkelayakan dapat dilaksanakan dengan mudah di seluruh negara melalui inisiatif berterusan seperti berikut:-

- (i) Program Turun Padang (*Outreach Program*);
- (ii) *Unit Mobile*; dan
- (iii) *Bus Mobile*.

**PEMBERITAHUAN PERTANYAAN**  
**MESYUARAT KEDUA, PENGGAL PERTAMA,**  
**PARLIMEN KEEMPAT BELAS,**  
**DEWAN RAKYAT**

**PERTANYAAN : LISAN**

**DARIPADA : TUAN FONG KUI LUN  
[ BUKIT BINTANG ]**

**TARIKH : 12 NOVEMBER 2018**

**SOALAN : 42**

**Tuan Fong Kui Lun [ Bukit Bintang ]** minta **PERDANA MENTERI** menyatakan apakah tindakan Kerajaan ke atas permohonan kakitangan awam berpakaian seragam seperti polis, tentera, kastam dan bomba untuk memohon kenaikan gaji dan elaun perkhidmatan dan bagaimanakah kedudukan tangga gaji terkini kumpulan tersebut.

**JAWAPAN: YB DATUK LIEW VUI KEONG**  
**MENTERI DI JABATAN PERDANA MENTERI**

Tuan Yang di-Pertua,

Untuk makluman Ahli Yang Berhormat, semua penjawat awam adalah dibayar gaji berdasarkan jadual gaji yang berkuat kuasa. Kerajaan menetapkan bayaran gaji yang merupakan upah kepada penjawat awam yang meliputi elemen untuk makanan, rumah dan pakaian (*food, shelter and clothing*). Di samping itu, penjawat awam juga menerima imbuhan tetap dan pelbagai jenis elaun berdasarkan kepada kriteria-kriteria tertentu seperti kos sara hidup yang meningkat.

Untuk makluman, kali terakhir saraan bagi Perkhidmatan Polis, Tentera, Kastam dan Bomba termasuk keseluruhan perkhidmatan awam telah dikaji dan dilaksanakan pada 1 Julai 2016 melalui Pekeliling Perkhidmatan Bilangan 1 Tahun 2016. Penambahbaikan-penambahbaikan yang dilaksanakan adalah berdasarkan prinsip kadar upah untuk kerja, kelayakan masuk dan latihan, dalam masa yang sama mengekalkan relativiti dan pariti antara gred dan skim perkhidmatan.

Dalam hal ini, gaji yang diterima bagi perkhidmatan-perkhidmatan berkenaan adalah bersesuaian dengan kerja yang dilaksanakan. Elaun-elaun turut diberikan sebagai tambahan kepada gaji yang diterima bagi mengiktiraf risiko, kemahiran, kos sara hidup, penempatan, perkhidmatan dan tugas serta kompetensi tambahan pegawai dan anggota.

Kerajaan sentiasa dari semasa ke semasa menimbang permohonan serta membuat kajian semakan gaji dan elaun Perkhidmatan Polis, Tentera,

Kastam dan Bomba serta keseluruhan perkhidmatan awam amnya berdasarkan prinsip-prinsip tertentu. Dalam melaksanakan kajian semakan gaji dan elaun tersebut, ianya perlu diberi pertimbangan dan perhatian secara berhati-hati mengambil kira pelaksanaannya memberi implikasi kepada perbelanjaan mengurus yang tinggi.

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL PERTAMA,  
PARLIMEN KEEMPAT BELAS**

---

**PERTANYAAN : LISAN**  
**DARIPADA : Y.B. TUAN AHMAD AMZAD BIN MOHAMED@HASHIM [KUALA TERENGGANU]**  
**TARIKH : 12 NOVEMBER 2018 (ISNIN)**

**SOALAN NO. 43**

**Y.B. TUAN AHMAD AMZAD BIN MOHAMED@HASHIM [ KUALA TERENGGANU ]** minta **MENTERI KEWANGAN** menyatakan status terkini pelan penjualan aset- aset Kerajaan (*assets monetization*) untuk mengukuhkan kedudukan fiskal.

**JAWAPAN**

Tuan yang Dipertua,

Untuk makluman Ahli-Ahli Yang Berhormat, Program Asset Monetization akan dilaksanakan berdasarkan keperluan untuk mengukuhkan kedudukan kewangan Kerajaan. Harus ditekankan bahawa pihak Kerajaan akan melaksanakan perkara ini melalui proses tender terbuka, bagi memastikan kerajaan mendapat pulangan yang bersesuaian. Pada masa ini, Kerajaan sedang mengenalpasti aset-aset yang bersesuaian untuk dimonetisasikan dan sedang dalam rundingan.

**SOALAN NO. 44**

**PEMBERITAHUAN PERTANYAAN BAGI JAWAPAN LISAN**

**MESYUARAT KEDUA, DEWAN RAKYAT**

**PENGGAL PERTAMA, PARLIMEN KEEMPAT BELAS**

**MAJLIS MESYUARAT DEWAN RAKYAT**

**PERTANYAAN : JAWAB LISAN**

**DARIPADA : DATO SERI HAJI ABDUL HADI BIN AWANG**

**[ MARANG ]**

**TARIKH : 12 NOVEMBER 2018 (ISNIN)**

**SOALAN :**

**Dato Seri Haji Abdul Hadi Bin Awang [ Marang ] minta MENTERI**

**PEMBANGUNAN WANITA, KELUARGA DAN MASYARAKAT**

menyatakan sejauh mana hasrat Kementerian untuk menaikkan had usia minimum perkahwinan kepada 18 tahun dan apakah Prosedur Operasi Standard (SOP) perkahwinan bawah umur jika melibatkan kes-kes tertentu.

**JAWAPAN: YAB DATO' SERI DR. WAN AZIZAH DR. WAN ISMAIL,**  
**TIMBALAN PERDANA MENTERI MERANGKAP**  
**MENTERI PEMBANGUNAN WANITA, KELUARGA**  
**DAN MASYARAKAT**

Tuan Yang di-Pertua,

Sebagai usaha untuk menaikkan umur minimum perkahwinan dalam perundangan di Malaysia, Kementerian telah membentangkan hasrat Kerajaan ini dalam Mesyuarat *Pre-Council* Majlis Raja-Raja dan Mesyuarat Menteri Besar dan Ketua Menteri yang mana kedua-duanya berlangsung pada 16 Oktober 2018. Kementerian berbesar hati dan menghargai maklum balas positif semasa pembentangan dalam kedua-dua mesyuarat tersebut yang pada prinsipnya menyambut baik cadangan Kerajaan untuk menaikkan umur minimum perkahwinan kepada 18 tahun. Melalui pembentangan dasar dalam dua buah platform penting ini, Kementerian berharap pihak Kerajaan Negeri dapat seiring bersama Kerajaan Persekutuan dalam usaha menangani perkahwinan bawah umur di negeri masing-masing.

Tuan yang di-Pertua,

Prosedur berhubung kebenaran perkahwinan bawah umur ditadbir di bawah beberapa agensi kerajaan iaitu Jabatan Kehakiman Syariah Malaysia (JKSM), Kementerian Dalam Negeri (KDN), Majlis Agama Negeri-Negeri dan Mahkamah Adat.

Bagi permohonan kebenaran perkahwinan bawah umur orang Islam, JKSM telah mewujudkan Tatacara Operasi Standard (SOP) Permohonan Kebenaran Nikah Bawah Umur sebagai panduan kepada Mahkamah Syariah seluruh Malaysia yang telah berkuat kuasa pada 23 Julai 2018. SOP ini juga mengehendaki pengemukaan laporan sosial dari Jabatan Kebajikan Masyarakat, laporan kesihatan daripada Kementerian Kesihatan/Jabatan Kesihatan di negeri dan laporan polis dari Polis Diraja Malaysia sekiranya berkaitan kepada Mahkamah Syariah.

Maklumat seperti latar belakang pemohon serta bakal pasangan, pendapatan, status sosial, kemampuan serta status pendidikan juga perlu dilaporkan agar Hakim Syarie dapat memberi keputusan yang mampu memelihara kanak-kanak yang terlibat dalam perkahwinan awal ini.

Berhubung SOP bagi perkahwinan orang bukan Islam pula, Memorandum Jemaah Menteri mengenai cadangan pindaan umur minimum perkahwinan bagi orang bukan Islam akan dibentangkan dalam Mesyuarat Jemaah Menteri. Pindaan ini hendaklah termasuk SOP Perkahwinan Bawah Umur sebagai sebahagian daripada Akta Membaharui Undang-Undang (Perkahwinan dan Perceraian) 1976 dan sedang diterajui oleh KDN.

Kerajaan bercadang untuk membentangkan Rang Undang-Undang bagi Akta Undang-Undang Keluarga Islam (Wilayah-Wilayah Persekutuan) 1984 [Akta 303] dan Akta Membaharui Undang-Undang (Perkahwinan dan Perceraian) 1976 [Akta 164] selewat-lewatnya pada Penggal Kedua Dewan Rakyat tahun 2019.

**PEMBERITAHUAN PERTANYAAN LISAN DEWAN RAKYAT  
MESYUARAT KEDUA, PENGGAL PERTAMA,  
PARLIMEN KEEMPAT BELAS**

---

**PERTANYAAN : LISAN**  
**DARIPADA : Y.B. DATUK HALIMAH BINTI MOHAMED SADIQUE**  
**[KOTA TINGGI]**  
**TARIKH : 12 NOVEMBER 2018 (ISNIN)**

**SOALAN NO. 45**

**Y.B. DATUK HALIMAH BINTI MOHAMED SADIQUE [ KOTA TINGGI ]** minta **MENTERI KEWANGAN** menyatakan apakah rasionalnya Kerajaan menjenamakan semula projek atau program yang dirangka dan dilaksana oleh Kerajaan Barisan Nasional namun masih mengekalkan fungsi yang sama. Berapakah peruntukan yang telah digunakan bagi menjenama semula inisiatif Barisan Nasional.

**JAWAPAN**

Tuan Yang Di-Pertua,

Kementerian Kewangan selaku peneraju inisiatif UTC tiada perancangan untuk menjenamakan semula inisiatif UTC buat masa ini. Memandangkan terdapat sebanyak 22 UTC di seluruh negara, kerja-kerja untuk menjenamakan semula UTC akan menelan kos yang tinggi dan Kerajaan tidak dapat menyediakan kos tersebut dalam keadaan kedudukan kewangan sekarang ini.

Kerja-kerja yang telah dilaksanakan setakat ini cuma melibatkan penurunan logo 1Malaysia Negaraku di UTC sahaja. Logo 1Malaysia Negaraku di UTC seluruh Malaysia diturunkan ketika UTC-UTC yang usianya lebih daripada 3 tahun sedang dalam fasa pemuliharaan bangunan (yang melibatkan kerja-kerja mengecat semula bangunan dan penggantian logo lama kepada baru). Projek pemuliharaan ini bermula dari 12 April 2018 sehingga 31 Mei 2018. Oleh yang demikian, selaras dengan keputusan Mesyuarat Khas Ketua Setiausaha Kementerian dan Ketua Perkhidmatan pada 12 Mei 2018, langkah menurunkan logo tersebut telah dibuat dalam tempoh projek dan tidak melibatkan sebarang kos tambahan.

Kerja-kerja penukaran logo ini hanya melibatkan UTC sahaja, tidak melibatkan premis awam yang lain.

Kos untuk menurunkan 1 logo tersebut adalah:

1. UTC di Semenanjung Malaysia: RM18,491.00
2. UTC di Sarawak: RM19,080.00
3. UTC di Sabah: RM22,000.00

Secara keseluruhannya, terdapat 23 logo 1Malaysia Negaraku telah di turunkan di 21 UTC seluruh negara (tidak termasuk UTC Selangor yang masih dalam fasa pembinaan pada ketika itu) dengan purata kos untuk menurunkan 1 logo adalah sebanyak RM18,873.00.